

兩浙輶軒續錄

兩浙軒軒續錄卷二十八目

吳振棫 陸堯春 陸以烜 朱達吉 葉維庚

韓維鏞 陸錫智 吳傑 王端履 余鳳喈

林芳 李式穀 黃至馥 沈鳳梧 周樂清

管宸遴 馬鈺 朱錚 沈光劍 陸鑽

胡賜薰 陸棋斗 汪嘉穀 程拱宿 鍾錫齡

胡珊 陸唵 沈棠 戚芸生 戴銘金

董史 謝篋賢 黃式三 陶際唐 潘諮

嚴銓 謝晉勳 張茂華 王瀚 唐濟

張德相 張嘉金 汪遠孫 諸鎮 吳庚

魏彭年 董鏞 徐廷佩 孫仙槎 張昌衢

魏行湜 方炯 高一諤 張汝舟 俞鴻漸

魏 盈 鄭際夏 徐望璋 張 慧 倪 灋

葉道春 李元煥 錢 塋 李 勤 朱長庚

徐世鋼 徐士偉 陸樹德 諸 勗 賈 鼎

黃 治 吳清鵬 許乃賡 浦日楷 吾德涵

吳曾貫 丁 泰 趙炳言 郎葆辰 馬光瀾

陶際堯 王祖焯 汪 衡 應天垣 孫貫中

蔡壽昌 商嘉言 曾 璜 董正掄 汪鳳階

王樹英

兩浙輶軒續錄卷二十八

督學使者潘衍桐訂

吳振械

字仲雲號毅甫晚號再翁錢塘人嘉慶甲戌進士官至雲貴總督著花宜館詩鈔

諸可寶傳略尚書生平宦迹如齊如皖如蜀如滇黔先後皆再至清名善政至今人能道之里居門庭蕭然無異寒素篤行積學而不好自表暴詩力尤深晚年訂定所著花宜館詩鈔十六卷詞二卷刊行尚有奏疏如干卷養吉齋叢錄餘錄黔語各如干卷藏于家又嘗取先人所著杭郡詩輯三十二卷付梓復搜采爲續輯四十六卷附後網羅幽晦

克繩祖武用意最厚

寄心愈詩話先生五

任太守在黔日多詩勁健有神黔

嶺山水最工摹狀記其風雲百開合今古一鴻濛此二語可以包括殆盡又絕句云雲裏嶙峋見翠微山山都

愛白雲團上坡卅里穿雲出更有白雲頭上飛寫山行

如畫

題汪小米

遠孫

松聲池館勘書圖

君家屋外松身癯君能伴松松不孤閉幃咿唔答松吹水窗

面面涵清虛藏書四世過百載積軸豈止三十車含咀英華

樂有餘不慕榮利眾所迂頗聞篤嗜在經典短檠照影忘飢  
劬博士三秩細參檢硯痕燦燦墨與朱土音敢笑古人誤別  
讀詎謂諸家無拾遺補闕意良苦考證彷彿餘姚廬近時文  
人不好學喁然枵腹如瓠壺羽鹽神石誤反語音和類隔皆  
模胡席下爲帶析旁片顛倒惡札紛鴉塗馬鄭孔賈不復見  
異文異訓誰爬梳科名入手姓氏重石渠天祿誇通儒鏤冰  
畫脂豈足炫世閒文藻空華敷安能細意賤蟲魚但道此事  
非丈夫吁嗟乎通經致用安可誣卷圖還君心踟躕

祁忠敏公遺硯歌

寓山園中石一片此石非石硯非硯地老天荒堅不磨乃是  
臣心鋼百鍊臣年弱冠已承恩漸見烽煙萬里昏封章要勢  
論軍事公上疏言二大要涕淚汎瀾沁墨痕北都破碎南都

蹙燕子春燈了殘局一權能消跋扈風九重偏信凶姦目纔  
解朝衣許乞歸已看天塹成傾覆正氣終希信國蹤餘生忍  
賣橋亭卜楚纍哀怨竟沈湘止水千秋骨尙香枯到荆花失  
喬木捨將遺宅付空王梵鐘戍火羣公子白髮青裙六太娘  
枉說門才雄一代回頭梅市總淒涼閩烽粵燄嗟何益城郭  
人民都變易豈料昆明劫後灰尙留精衛銜來石歌哭偏邀  
世外僧贈遺舊是堂前客煙飄不比澹生書珍襲應同曠亭  
額長物留傳二百年江東風義動人間海天旭日光芒冷一  
樣傷心劉叢山

念臺先生與公同居山陰同死國難海天旭日劉硯名也

集小羅浮山館出先集灌口繩橋詩邀同人和作

繩橋用繩亦用鐵冶鐵爲繩繩不折伏牛連柱制輒杙百杙  
千緼兩崖掣吾翁造橋捐腰犀江上驚見橫空覓小時膽薄

不敢過但見居人走相賀密排陣蟻喧鴉聲蜿蜿龍背  
行千金一壺那須買舟馳西達無危程有生幸免不弔死飢  
不得食僵鮫鯨胡公黃公詩鬪捷錢叟汪郎勁鋒接長篇驅  
駕慷慨多怒卷蠻江春漲溼世事興廢不可量吾民疾苦誰  
所急回頭歲月人事換昔我十三今四十橋成于嘉慶甲子吁嗟乎  
元髮易縞鐵易磨西望奈爾繩橋何

湯節母楊太淑人吟釵圖爲兩生騎尉題

失鏡志魯婦忘簪悲少原徒爲故物感大節了不關吁嗟晉  
陵湯有母貞且賢經營覆巢下遂大忠孝門白頭檢殘匱分  
飛痛釵鸞風輪轉日月感歎形諸言往往慕班謝蘭雪灑清  
芬一從弔國殤忍死焉用文豈知千金珠復躍九重淵胎之  
漆室淚填以精衛魂纍纍五十六光氣不敢捫都尉再拜藏

匪獨貽後昆是時戎旃靜長嘯脫劍脊傳觀帳下兒泣下咸  
驚歎既徵夏侯賦復乞崔瑗篇壽母千萬年不用清酒尊兩  
詩一釵股長使清風存圖成已不朽何用畫甘泉

蜀江歌贈少海卽送之甘州

西川節度開幕府幕客重文不重武聞君長揖氣甚豪拓戟  
高歌筆如虎太白東坡骨俱朽蜀中山川落誰手我時思君  
不得見欲騎日月向西走蜀江東下何迢迢入海併作錢塘  
潮君來作令吟更豪吟聲卻鬪潮聲高人生仕宦不稱意楚  
弓得失眞兒戲誰家舐鼎有神丹雞犬升天何太易篋中蜀  
錦三尺強笑喚孺人裁作囊不盛青銅錢惟有佳篇章篇章  
亦如蜀江水洗濯錦段生光芒世閒武庫盡凡鐵破硯爲爐  
鑄心血爭看龍文寶鼎成偏憐虎氣干將折白馬黃金鞍去



去不得歇途窮豈敢怨行路去看淒涼隴頭月明月照甘涼  
河流一綫黃神仙釀作崑崙觴秋霜夜拂崑崙頂王母梳頭  
雪垂領十二樓邊銅柱傾冷落瑤房見星影吁嗟乎落日西  
風關隴塵蜀江不見峽花春青天萬里阻歸夢夜夜子規啼  
向人

淮白魚

淮白魚玉雪膚皎然恥受泥沙污攪漚羣游不盈尺長淮濁  
浪多大魚昂首掉尾相吞屠晨咀暮嚼實貪腹縱有冤苦誰  
驅除龍堂日擊馮夷鼓萬鬣千鱗颯風雨汝雖潔白終細微  
龍公生平豈識汝

玉屏道中

萬里看春色蕭然客眼中亂鶯山店雨一蜨戍旗風歲月仍

飛絮妻孥共轉蓬終當決歸計蓑笠逐溪翁

蕩山寺拜楊升菴先生像

拜杖端門劇愴神百年來認畫中身朝廷議禮多傷激忠孝  
原心始見眞巴蜀茫茫悲故國丹鉛草草老斯人宦游尙墮  
蠻天淚憔悴行吟況逐臣

贈人

壯歲功名衛霍閒而今毛髮已成斑山中名姓無人問自掬  
清泉洗箭瘢

太守怒有引

曩某鉅公以大學士督蜀勢張甚鈴下廝養憑藉搏  
噬莫撓其鋒一日輿夫入人家攫釵珥都司徐斐見  
而訶之其黨伍捽徐撻辱冠服皆毀姚公令儀方爲

成都太守捕治之斃其魁大學士怒曰守敢爾詰其  
事則抗辭以對時已奏擢川東道乃遣騎追前疏還  
然公直聲震蜀中矣公婁縣人以乾隆丁酉拔貢起  
家崎嶇戎馬閒累官至四川布政使蜀人習聞其事  
因作太守怒一篇

都司訶輿夫怒老拳摔胡苦枝梧輿夫譁太守怒赤棒聲中  
一城怖太守謁相公怒守不遷官守自誤吁嗟乎輿夫之怒  
速其死相公之怒庸才耳太守之怒強項矣

與孔夢鷗編修

傳繪

移居上斜街

袍花映日佩鳴玉九衢未曉車相逐君是長身幾世孫局腳  
牀中貪睡足城西苦愛人迹少招我同居寺傍屋長椿寺側樹頭  
鳴鳥自來往樹下雙扉無剝啄滿窗紅日夢初醒石鈔松風

一甌熟翰林風月本神仙君是散仙尤絕俗  
君未入清祕堂及兩書房故云  
君看百歲如風狂未養丹砂一火伏妄心似膜要消除華髮  
如絲易摧剝果然曼倩耐長飢不須苦草三千牘

正定龍興寺佛像歌

卽隋之龍藏寺

正定城中龍興寺七十三尺佛像崇有唐勅建溯開寶捨身  
烈燄僧澄空厥後興廢迭相踵我

朝亦施巧作工玉毫光中獅子座三十二相華而豐巍巍峩  
峩不可企飛簷翼以樓三重慧眼平看日月過珊瑚蓋覆層  
霄中我聞藥上十八丈此像相較不及胸東京亦有一丈佛  
鎔範祕影難並雄當時夜入漢帝夢金身小見非神通不知  
無量無邊身亦爲縹絲與鍼鋒剖芥藏山豈眞實拔毛沃海  
非朦朧分身散體總無著方圓大小難終窮我來瞻禮夏徂

暑原田龜坼疑乾封金剛輪際甘露水一滴可以蘇三農如  
何歲歲受供養行雨不呼菩薩龍以此白佛佛不答且歸拂  
簟眠清風

閱滇繫雜錄永明舊事而作

東方日出耀滄溟牛角山河燭火熒孱主爪牙羣盜賊蠻天  
歌哭小朝廷赭陘臺畔雲都散舊晚坡前草尙青誰把奇功  
覓封賞金蟬風雨不堪聽

吳三桂以弓弦繼  
永明於金蟬寺

廠述四首

華楹具百戲雕俎羅八珍指使諸僮奴佩服麗且珍問官所  
職掌實惟銅與銀朝上一紙書暮領十萬緡會稽足課額可  
以娛嘉賓勿謂官豪華視昔官已貧頗聞有某某憑陵居要  
津巨僚日相狎小吏不敢填積金北斗高歌舞難具陳歌舞

豈不歡事勢如轉輪朝廷固寬大國法亦以伸事過三十年  
殘魄含酸辛官今當黽勉富貴天所命叶鳩卮與漏脯智者  
終逡巡不見銅山下古有飢死人

滇廠四十八寶路區瘠肥媪神豈愛寶苗脈有盛衰攻采矧

云久造物亦告疲甯台與湯丹銅廠之最大者今亦異曩時比資烏

坡銅鎚鑿逮窮夷滇銅不足以蜀之烏坡廠銅濟之廠在夷地小廠益衰竭徵課

檄如馳何從獲硬破銅謂之槽槽石堅為硤硬則久可獲大礦閒或得草皮淺

而少者曰草皮礦鷄窩不滿萬此諺語鷄窩者餓鞘亦奚為餓鞘有苗無礦

長菱入龍窟水洩費不貲洞有積水百計涸之謂之拉龍費曰水洩年年告缺額

呵譴安敢辭我聞古銅官坊冶各有司方今吏事繁難理如

亂絲況復昇廠政最殿較銖錙既耕復使織蹙蹙安所施誰

能劑虧盈法美用意微上瞻九府供下給家室私官私兩不

病治術其庶幾

湯丹甯台二厥專員管  
理餘皆牧令兼其職

受事平其爭厥長凡有七

客長主官事課長主納課爐頭主  
爐火鍋頭主供食鑲頭主鑲架洞

長主糟硎炭  
長主薪米

錘手與砂丁是皆長所帥有犯則扶之如奉令

甲乙背荒何勞勞

開洞負  
土也

晝夜戒無佚帕首縛一鐙行若綠

縫蝨仰攻亦俯入但懼引綫失

銅苗曰  
引綫

風穴竅豁入深苦

疏以廂木架疏密

洞慮下陷支以木開二尺餘支  
木四曰一廂洞之遠近以廂計龍驚地軸

裂一入不復出悲哉乾蟣子枯腊黑于漆

洞陷則死者無算  
屍不腐者曰乾蟣

子更聞扯火勤爐罩難畢述

煎礪曰扯火煎紫板用美人爐  
將軍爐盤殼用紗帽爐啞銅用

火風太極爐銅夾銀用推爐鉛夾銀用  
蜈蚣罩黑銅用蝦蟆罩罩者爐之別種

金銀發猛氣浸淫爲

癘疾去此憂飢寒一死豈自恤爭尖與奪槽刀劍鬪狂猶

異綫開采而自得一礦  
則有爭尖奪槽之事

一朝烏獸散探胠入入室索之籍無

名山籌費窮詰持以問長官鎮撫用何術

廠主半客籍逐利來窮邊

出資開采者曰廠主率皆客籍其自稱曰客民

入官報試

采自竭私家錢欣然大堂獲繼以半火煎

礦最旺曰大堂晚煎曉成謂之半火

抽課得羨餘三倍利自專百貨日厲集優倡肆妖妍荒荒蠻  
嶂中聚若都市闐泥沙快揮霍變化出汞鉛卅爐鑄橫財陶  
猗不足賢聞者饒涎垂擾擾蟻集羶儼然師故智謂命豈在  
天叩囊出黃金一擲虛牝填所願儻不償室家徒蕭然妻孥  
難存活伴侶空相憐不如扶犁好猶得守薄田請看足穀翁  
飢飯飽卽眠

常州懷劉禮部

逢祿

進棹西蠡河  
晡靄林塘春之子未得歸  
栖栖京洛塵  
高齋著書暇  
思滿汀洲蘋

長山弔劉節之

并序



節之名孔和山東長山人明大學士鴻訓子少儻  
好談兵詩文豪邁奇恣甲申之變率義眾三千人至  
淮陰故與鎮將劉澤清善以兵屬之澤清一日大會  
賓客自吟所爲詩眾口交譽不已節之仰視若不聞  
詰之曰公誠將才此事定復不急澤清怒罷酒節之  
拂衣出澤清益怒遣壯士殺之舟中三千人者大譁  
散歸已而金陵以爲副總兵官則節之死數日矣

鐵騎南趨動義聲少年長劍縵胡縵自誇韓白如崇祖焉有  
曹黃惜正平敢死心偏虛裏革得官人已泣銘旌清淮嗚咽  
英靈遠莫問山中故墅名

長山有節之別業

風雨傷稼民多流亡旣請緩徵復率諸吏富人輸白金  
二十餘萬兩益以官錢立法分振冬及春凡五閱月

麥熟乃止因爲數詩識痛定思痛之意

政關陰陽診捫心疚在余淹傷嗟水潦補救費躊躇國算金錢重村人窳瘠虛七亾還七死流涕鮑宣書

初喜秋禾盛饗煊庶療飢奇災坐風雨下戶遂流離才劣迂籌策權輕失便宜一官容竊祿無乃愧瘡痍

聽話窮檐事令人涕泗橫賣兒償一飽浮海勾餘生

流民十  
九渡海

而廢屋千村有寒衣百衲成北風驅雨雪鴻雁夜悲鳴

振瞻鄉閭重錙銖宵較量勢窮憂鈔掠歲暮急周防幾處頌私米肫然念翳桑豈惟風俗古保富此奇方

病入飢腸易誰爲藥餌投哭聲多入夜疫氣并侵牛帷蓋恩難遍灰釘禮不周寒郊休極目薤唱動人愁

虎溪書院

陽明昔未謫遠土空嚮慕天欲覺此邦羣小力爲助龍場望  
迢遞過此敝車駐微言警羣愚青天掃雲霧至今撫殘碣突  
兀依雙樹蘭芷思薦馨溪風客沿沂

黔南二忠詩有引

甘忠果公名文焜字炳如其先江西豐城人後遷藩  
陽隸正藍旗漢軍累官至雲貴總督康熙十二年吳  
三桂反遣族弟文炯齎疏入告而以書報川湖總督  
蔡毓榮趣其集兵沅州聯黔楚聲勢會巡撫曹申吉  
提督李本深已受僞命督標兵被脅誘調遣無受命  
者公度貴陽必不可守令妾盛氏與婦女七人投繯  
死而率數騎與子國城筆帖式和善雅圖疾馳鎮遠  
比至副將江義得三桂書以兵圍公於吉祥寺公衣

寇向北再拜自剄死

通志云  
縱死

年四十有二國城和善

雅圖從死焉吉祥寺在吉祥山下寺有古柏二堅若

鐵石人謂忠烈之氣所結云

狠子藏野心一噪乃眾應隻手障洪河人力安可勝乞援謀  
自賊殉國志早定古柯寺門雙號風肅清聽

王忠毅公名之鼎漢軍正紅旗人以任襲二等子爵

累官至提督康熙十八年吳世璠據貴陽賊將尤廷

玉等犯永甯時公官四川提督率總兵劉魁李芳述

大敗之斬偽總兵毛友貴等勇略將軍趙長棟將進

取雲貴調芳述等至敘州而留公守永甯賊陷瀘州

復來犯拒守甚久外援阻絕賊穴地攻城陷公以印

付僕陳善閒道歸成都而自率兵巷戰左腋創爲賊

執昇之貴陽世璠遣夏國相等說降公不屈賊怒以  
刃擬其頸公瞋目大罵曰逆賊何不速殺我遂遇害  
蓋康熙十九年九月二十九日也是日大風拔木黃  
塵蔽天同死者總兵劉魁何承德以下凡十二人

爲鬼當殺賊豈有降將軍嬰城復巷戰壯氣鬱如雲使君不  
負國孰忍負使君風霾塞天地憤泣紛精魂

以爨龍顏碑寄大姪春燾

碑爲劉宋大明二年建在雲南陸涼州之貞元堡

佛狸兒孫六十年韓陵一片無流傳南荒古刻獨不仆雙螭

缺齧蹲蒼燻別有三爨碑後先

南甯縣有建甯太守爨府君碑興古太守爨府君碑昆明

縣有隋西爨王墓碑此碑文古字未刊碑言係出楚令尹華胄遙遙俱

一晒大姓兩爨此西爨魏晉勳階盛援引吾家小阮好作字  
虎臥龍跳有深嗜書來萬里求此碑桂魏阮頗詳王未

備千錢買寄汝一觀樸散風神同北魏散禪入聖信有之無

上正覺吾恐未打頭屋小閒摩拏闌干首菑飢奈何山陰道

士儻解事曷不寫換雙紅鵝

姪時爲山陰學官

簡胡潤之太守

林翼潤之典試江南正主考某因事失官潤之亦以失察牽連被議改捐知

府

濟時端仗出羣才詞賦雕蟲技小哉要使蒼生足絲穀何須

仙境戀蓬萊紀羣交舊吾將老

尊翁芸閣先生與余同衛樂實錄館提調

名高世共推

君爲陶雲汀先生壻

幸得相逢清宴日荷亭新月一傾杯

襄陽羅淡村觀察

遵殿席上作

下馬銅鞮坊外路轅門日上朱旗襄樊形勝古稱最管樂

人才今屬誰捉塵而談豪氣在飛觴無算午陰移高陽池上

風流甚茗芋何妨倒接離

林少穆宮保 則徐輓詞

事過清議在身退

嗣皇知疏薦名逾重軍興病敢辭灰釘徵驛舍牲醴重鄉祠  
烽燧何時息翻愁報答遲

雲龍逐蹤迹往往在西南詞翰憑人乞風波變色談死忠臣  
願慰繼業後人堪美謚褒榮極平生信不慚

嘉慶閒先大夫知資州州有重龍山寺歲數至焉去今  
四十寒暑矣壬子八月過資因復往遊感賦

當時不自意髮禿此重來骨肉更誰在江山真可哀鐘懸枯  
樹雨蟲咽壞牆苔只有天池水依然碧鏡開

三百三十有三士亭圖爲鐵梅題

有序

乾隆閒朱竹君學士筠督閩學築亭署中命所得士

以石贄石勒姓名遂署其亭曰三百三十有三士亭  
嘉慶閒汪兩園前輩潤之屬姜王二生各爲一圖姜  
圖後爲徐松龕繼畬得之延平倉吏因以贈吳晴舫  
侍郎鍾駿王圖則鈐以官印藏學使署此圖蓋後出  
乃湯雨生副鎮貽汾筆道光乙巳連生攀桂持獻李  
鐵梅侍郎嘉端謂得之陳碩士侍郎用光所汪陳吳  
李皆先後督閩學者圖則陳屬湯畫也丙辰九月鐵  
梅出以示余時余將入蜀促成一詩系圖後

三百三十有三士築亭佳話闔三山兩生繪事妙粉墨風流  
文采爭流傳合離顯晦似數定蹤迹一一粗能言此圖後出  
琴隱手風色謾謾雲閒閒太邱去後鮮知者未免流落塵埃  
閒鐵翁北學二朱後

竹君石君兩先生相繼督閩學

愛士愛石追前賢造物



有意相付昇豈惟翰墨中有緣而我披圖慟琴隱舊遊同扣  
 西泠舫金陵僑寄成久別一旦城郭荒榛菅詩成慷慨死高  
 節廣陵散絕嵇生絃兩生詩書畫皆工又工琴琴隱其齋名  
 也金陵既陷賦絕命詞一章蹈水死  
 圖書散逸不足歎祇今亭堠紛烽煙

朝廷養士二百載常有豪傑綏時艱譬諸奇石鍊五色破漏  
 為補媧皇天戢干橐弓武成告承平再見乾嘉年吾儕巾屐  
 幸會合白頭無事相流連重按舊笥出此幅買酒翫賞情非  
 慳臨歧裁句當息壤翁謂此意然不然

十二月二十三日奉

諭旨準開缺回籍安心調理感

恩恭紀

知遇

三朝感激深更叨

溫語許抽簪諸軍未盡鯨鯢黨何日纔安犬馬心朋輩卅年  
存碩果襟期千載託枯琴酬

恩無地身先老倦羽羞言戀故林

書強忠烈公

克捷

手蹟卷子後

有序

嘉慶癸酉直隸逆賊林清與滑縣人李文成牛亮臣  
等謀剋日作亂忠烈知滑事廉得實禽其渠械治焉  
賊黨謀劫獄囚不及期先發城陷忠烈一家三十五  
口殉義死而郡縣皆嚴備兵林清犯京師滑黨無得  
至者故立就夷滅

仁宗皇帝錄公爲功首有功在社稷語褒贈之禮甚備咸豐

己未九月公子前忠州牧望泰示以公手蹟卷子家

書一遺囑一論李忠愍毓昌死事文一再拜三誦而

系以詩

洪爐發猛火良玉光不蝕烈風西北來勁草眾始識懿惟嘉

慶朝文武多英特心肝奉

至尊臣節繇是植紀年當癸酉京輦余旅食晝驚妖彗長直

掃紫垣側九門斷車馬氣色盡惶惑赫赫威烈槍一破天地

黑電旗挾雷鼓中夜掃狐豸清

蹕在近郊萬騎旋寶勒晏然遂無事天蓋相有德林清之亂宣

宗在上書房聞警馳至養心門槍斃二賊賊始退後

仁宗命承恩公和世泰宣目錫槍名曰威烈是年

蹕故亂甫作而仁宗秋獮至伊瑪圍山潦發遂旋先時白波

寇遠結黑山賊滑臺實凶巢牛李姦叵測苟非巨刃揚孰能

翦其翼外賊應期至三輔禍愈亟神都百萬戶縣命在晷刻

偉哉忠烈公摘發無伏匿恨未膏斧礎獄底係微纒先發勢  
轉孤計早亂源塞嗟嗟城隍隳小縣闕兵力闔門卅五口橫  
屍慘閩闕大吏疏以聞

天子驚歎極推原事本末煌煌下手救謂非尋常功乃在  
社稷風轉四十年回首猶記憶賢子政甚清抱卷日拂拭卷  
中千百年精氣貫簡墨訓家勛儉勤論事豁忠直剛腸無巧  
舌讀者但太息就義真從容視古顏無慙方今久苦戰徵調  
徧南北將吏豈不多烽燧胡未熄昔時亂則戡未至憂蹙國  
長歌凌霜曉述往意淒惻作歌者爲誰先朝史臣械

至郎陽聞杭州陷

錦繡湖山六百年忽驚城郭慘烽煙一家星散今安在半路  
風聞恐誤傳事勢東南嗟已矣諸公戰守太茫然干戈滿眼

無歸路愁絕春江獨客船

至襄陽聞杭州已收復而城內外焚掠殆盡感歎累日

援軍驟至擁雕戈捷報居然捲白波

張公玉良援兵至賊謂是張殿臣副帥也遂遁

去僥幸遺黎猶未盡傳聞劇寇本無多已知極望悲榛莽更

恐狂奔脫網羅江上爭看新使節旌旗氣色近如何

時王公有齡摧

撫浙

哭戴鹿牀侍郎

熙

俞雲史觀察

焜

侍郎未老先投紱察使言歸久杜門縱是退居無吏責何甘

偷活負

君恩

杭州城陷之日侍郎投池水死觀察持門閉橫木擊賊爲賊所戕

破巢完卵應難問斷

幅零縑儻尙存亂後親朋多死徙更誰翦紙與招魂

提督張公

國梁

輓詞

歸義尋常事忠勳見此人才推今大將心擬古貞臣殉

國悲倉卒論功劇苦辛

中朝詢訪急惡耗恐非真

公陣亡後屢奉數月後始下

詔旨詢訪恩卹之命蓋

猶望其遇救獲生也

主帥何如者真憐乳臭兒倚權違苦諫失計潰全師盜賊爭相賀東南遂不支如公能老壽或亂豈無時

與客論澶淵事

麾蓋城頭氣色新豈勞吳蜀走風塵萊公一語君知否陛下當誅畫策人

陸堯春

字二雅錢塘人嘉慶甲戌進士官江西大庾知縣

楊振鏞曰二雅先生以經學爲阮文達所賞分輯經籍纂註嘉慶甲戌與詰嗣小雅同得館選後奉諱癸未補散館改知縣

西湖柳枝詞

總宜船放六橋西  
寶馬鈿車照眼迷  
正是清明好時節  
大家折柳上蘇隄

陸以烜

字小雅 堯春子 錢塘人 嘉慶甲戌進士官至鴻臚寺卿

杭郡詩三輯小雅達子經學弱冠與鄉選甲戌同父二雅先生捷禮部試又同山刑部孫公之房同人詞苑海內傳爲科名佳話丁丑改農曹旋擢臺諫謗有直聲爲權近所忌造蜚語以軋之再蹶再振洊至鴻臚寺卿

謝文節遺琴爲素江先生賦

北望燕雲慟哭來  
琴心終古託悲哀  
已傷海內無同調  
不信江南有此材  
天水碧消清韻在  
團湖風激大聲回  
如何彈罷孤鴻曲  
一樣絲桐付劫灰

當時供奉汪元量  
回首滄桑百感生  
驚鶴遠摩霄漢去  
騎龍眞向玉京行  
江山如此傳孤操  
天地由來有正聲  
莫更鳴絃

聽鳴咽逋臣遺恨未全平

朱達吉

字穎雙號春衢嘉興人嘉慶甲戌進士官廣東督糧道

府志達吉由庶常改知縣擢內閣中書充軍機章京時值回疆不靖軍書旁午勤瘁尤著由部郎授御史擢廣東糧道鄉會試四充同考官所得多宿儒名士

同人棗花寺看牡丹

宜武坊南野趣探鼠姑風引到精藍香醲莫遣煎酥待色豔  
偏宜帶雨酣僧喜達官頻攝榼佛嫌詩客嬾開龕散花天女  
渾多事競惹維摩一笑參

葉維庚

號兩坨秀水人嘉慶甲戌進士官江蘇泰州知州著鍾秀山房詩集

孫融曰先生秉質聰良學優後仕由豫章遷吳會所至士民浹洽政聲卓然  
輯雅堂詩話兩坨所著紀元通考詳于梁氏玉繩元號略錢氏東垣紀元類聚考其三國地理考若干卷無傳本



壯烈伯李忠毅公晚詩

援臂將軍神臂弓直教碧海淨青銅功高峴首追羊傅恨滿  
平陵哭義公萬里騰驤湖上下廿年屏翰浙西東一丸不分  
楊津鐵大樹飄零日暮風

玉環山遠接泉江據上游時若建瓴推轂有人持國計運籌  
全策悉兵形壘開滬瀆埋忠骨港開甘棠落將星但願衛公  
精爽在雲臺畫筆耀丹青

韓維鏞

字配賁號銅士平湖人嘉慶甲戌進士官  
湖北武昌通判署金甌山房詩稿四卷

縣志推鏞以教習授穀城知縣旋署天門調黃陂值大水煮粥以振沽者萬計升武昌通判歷充同考官所薦皆當世名士生平博學好古精於賞鑒金石書畫收藏甚富人比之項氏天籟閣云

讀淮西碑

吏部文章懸日月淮西將士走熊羆青蠅莫解貪讒禍黃絹

空餘絕妙辭，隔世重樵程。珣筆一朝公，論玉谿詩至今衰。草  
寒煙外誰復摩挲讀此碑。

黃梅舟次讀郭茂倩所編樂府詩有感

對酒當歌喚奈何，短歌且復續長歌。大梅落後小梅落，去日  
多於來日多。豈必關山有明月，但看冰雪卽黃河。無端夜半  
偏振觸，忽聽雞鳴高樹柯。

陸錫智

字若愚，號飲江，平湖人。嘉慶甲戌進士官嚴州教授。

翁紹海曰：飲江同年清癯樸素，言如不出口，工詩文，駢體藻耀高翔，不類其爲人。莅任久和而介恭，而有禮至誦之。

蓮瓢詩意圖爲翁寄塘同年紹海作

白露猶餘熱，尋秋聽放船。跨虹橋遠近，何處不紅蓮。涼雨颯  
然至，酒懷誰與傳。一瓢同入畫，回首廿三年。

吳

傑

號梅梁會稽人嘉慶甲戌進士官至工部右侍郎

定香亭筆談余於山陰童子也因以登臥龍山望會稽異之及唱名乃十二齡童子也對曰難在兩地成一事耳其首句云臥龍不化梅梁飛余拔之並字之曰梅梁

蒲褐山房詩話梅梁瑤林玉樹風格超羣而慧業性成清才泉湧年纔弱冠與歸安邵保初升泰弟保和履咸名相上下芸臺中丞貢入成均蓋越中之秀也子在數文書院嘗以西湖柳枝詞課士芸臺謂自鐵厓沒後五百餘年無繼聲者而鈍翁姑蘇柳枝詞和者亦尠因徧徵諸吳越士大夫同作者凡數百人芸臺序而行之今酌選數首附于卷末以當他日西湖故事云許正綬曰公夙慧蚤成弱冠名噪甚後歷官至卿貳俱有樹立

上意方需用之遽卒惜哉

越海風潮

秋波不合積飛雪怪底鼉眼底掣一綫潮來天地青奔騰

獨驚東風烈排山倒海雪花吐海若前驅馮夷舞聲搖赭嶺  
翻雲車勢汨龕山撞雷鼓素車白馬恨空吞錢唐折向蕭山  
奔控弩將軍不敢發掣鯨學士驚詩魂桐廬江上銷風雨輕  
帆平處痕如縷飛濤雄壯能幾時何事怒心亙千古君不見  
銀河之水靜無波洗盡兵甲滋嘉禾

登臥龍山望會稽禹陵

臥龍不化梅梁飛玲瓏佳氣騰翠微風雲萬里護名鎮百神  
朝罷迴靈旗蒼松翠柏儼成列玉書金簡精光結宛委山頭  
雷雨開窆碑亭下龍蛇掣响嶼石氣涵餘青玉帛千重會大  
廷回首蓬萊舊城闕鷓鴣嘯破雲冥冥越王宮殿鎖歌舞衰  
草荒煙自終古瑯琊北徙爭中原一朝金玉藏黃土豈如不  
封不樹明德馨馭下九龍臥風雨

西湖柳枝詞

十里蘇隄半綠條，籃輿宛轉馬蹏驕。  
折來欲挽同心結，無奈相逢是斷橋。

風前荏弱倩誰扶，映李遮桃入畫圖。  
縱使楊花飄不定，浮萍猶得住西湖。

題郭羽可誦芬堂詩集

一枝吟管萬花新，下筆能摹杜老神。  
直以性靈還造化，由來忠孝屬詩人。  
騷壇幾輩開生面，絕業千秋著等身。  
拔藻木天終望爾，此才未合老風塵。

王端履

字小穀，宗炎子，蕭山人，嘉慶甲戌進士，官翰林院庶吉士。

定香亭筆談：王進士宗炎，越中第一學人也。其弟紹蘭，文學並茂，爲朱石君師，所賞其學，實出於宗炎。宗炎子端履，頗傳家學，熟于經疏，有詩才，嘗作乞巧絕句，有云：願得巧如荷，上露一涸分。散一圓圓，又試金銅仙人辭。

漢歌奇麗  
頗似長吉

擬金銅仙人辭漢歌

漢家宮樹嘒雅急  
瓦當苔繡鴛鴦溼  
通天高闕日曠隴  
銅人獨背西風立  
西風吹老萬年枝  
猶憶銅人初鑄時  
望氣迎來汾水鼎  
通燿拜罷竹宮祠  
上陵霍霍磨刀吏  
豈有神仙妖妄耳  
吉雲寶甕起狼煙  
銅人淚滴金盤水  
許昌宮殿漳河船  
受禪碑前露溢田  
願歌黃鵠三千歲  
移得金莖五百年  
甕裏駝裝辭漢始  
躍入河流牽不起  
沒髻還揚砥柱波  
題胷羞勒當塗字  
河上行人說未央  
摩挲故物總淒涼  
他年銅雀風吹折  
空有三臺對夕陽

余鳳階

字鳴雛一字伯吹號梧岡西安人嘉慶甲戌進士官戶部員外郎著梧岡雜草

何凌漢傳略伯吹爲明山閣學長子嘉慶甲子中式北關時甫弱冠甲戌成進士總裁章桐門相國賞其文以

爲得方孟旋衣鉢揭曉果西安人以庶吉士選習清書

充武英殿纂修官改戶部主事擢員外郎閣學卒聞訃奔喪哀毀不起人咸惜之

題牡丹臺

春夢醒花房春風轉畫廊濃姿初映日秀色不禁霜一桁鶯  
簾碧雙飛蝶路長沈吟玉溪作花片斷人腸

林

芳

字光錫號芷生玉環人嘉慶甲戌進士官山西石樓知縣

家傳略芳選湖北武昌知縣道光戊子充鄉試同考官得人稱盛蔣侍讀元溥華中丞至皆出其門任滿保升知州命未下丁母憂服闋選山西洪洞調知石樓縣皆有政績卒

官於

山行卽事

捫石梯雲興有餘好山彌望入紆徐四圍林靄延筇杖一路  
溪聲送筍輿野碓但聞雲外響人家都是竹中居盤飧莫道

無兼味春韭秋菘美可茹

李式穀

字申茲號海  
鮑仁和歲貢

杭州詩續輯申茲家北郭善

國書嘗著

國書賦可與汪上湖龍書五十韻並

傳又工寫真爲詩兀傲有奇氣

### 館胡氏山莊

一二三椽舍四五六竿竹綠陰蔭小窗清影澄  
心目山人晝眠起風聲碎鳴玉落葉墮檻前好鳥  
窺簷角靜對忘幽懷白日上茅屋

### 秋經橫春橋僻路歸

秋山一望皆蒼蒼不道靈境開天荒崖陡路效  
禿龍舞峰迴石突奇鬼僵峭風逆耳語音勁夕  
照送客人影長附郭林麓絕澗古疑有隱者潛  
其鄉



黃至馥

字郁堂號秋谷仁和人

丁申日秋谷爲個園觀察弟解音律每自度新曲付樂部被之管絃與石遠梅王柳村徐雪廉吳澹川相倡和

月夜懷吳澹川

一片寒江月深宵祇獨看遙思故人杳誰惜敝裘寒豪俠悲歌易清貧作客難登樓當此夜顧影缺空彈

沈鳳梧

字兩莪號蓬壺仁和人箸也足山房吟草

入山

半江煙霧重日出影沈沈到岸滄波靜入山黃葉深野風呼疊障飛鳥倦空林幾處高峰在昂頭卻易尋

周樂清

字文泉海甯人官山東掖縣知縣箸靜遠草堂集

壬事

十二齡許從征五卒後爲道州判官適其遠祖元公故里仕學並勵治行文譽皆聞於沅湘之間與沈栗仲歐

陽礪東鄧湘臬黃虎癘諸老宿切磋磋商風雅後又致李石

悟於幕中吟咏甚富其宦迹以定苗疆兵變佐猗疆軍  
務爲最然所至特主勸濟不自表露故無美遷移官山  
東志操老而不易齊魯詩人多樂親之在掖縣一晉秩  
遂引退旣刻先集復手訂全稿質之陶宗伯爲序行方  
期道遙平蓬萊  
乃遠化去惜哉

### 趙順平侯槍頭歌

婺源洪某游蜀得槍頭一上鐫趙雲二字事見王葑

### 亭給諫雙佩齋集

子龍一身都是膽割據三分功勇敢臥龍躍馬已千秋遺物  
摩挲重有感平原曩昔風雲從大小百戰爭摧鋒綠沈入手  
力屈鐵寒光直逼曹瞞胸漢室久無一抔土此槍翻得傳今  
古想見沙場得意時春風疾卷梨花雨梨花吹起風蕭蕭千  
軍咄叱驍騫左拜丞相劍右揖關侯刀其餘吳都之鉤魏  
都戟直是紛紛兒戲輕秋毫至今寸鐵竟完好神物呵護神

功超凝煙一片秋還在瀆血千年迹未消縱使留鐵不留幹  
已覺隱隱龍氣騰青霄嗚呼此閒樂不思蜀半局殘棋收太  
促未了英雄殺賊心夜夜槍頭神鬼哭

岳陽舟次遇宗滌樓中翰

稷辰

將奉母南旋因贈

落落宗元幹堂堂濟世才琴惟彈古調語不著塵埃薇省辭  
趨直萱庭念補咳湘流帆九曲歸思久滌洄

黃鶴樓

明月渾無恙青山一色秋斯人久不作今我獨登樓蹟認黃  
初奮身從碧落游舉杯酌狂士鸚鵡有荒洲

鄴都懷古

亂世姦雄老據鞍灑樽橫槩大江寒河山表裏雄中夏父子  
文章歷建安萬里盧龍軍赫奕千尋銅雀瓦凋殘一杯不信

容身後欲表西征碣更難

管宸遊

字祝如海甯人著聽秋茅屋集

吳之濬曰祝如客余從兄書農家最久與談詩輒娓娓忘倦集中佳句如善病漸衰漸老積閒成懶懶成癡孤館夢尋家咫尺破窗涼逗月三更待燕簾櫳終夜捲送春風雨替花愁遣之宋人策中幾不能辨

秋寺

鐘聲隱隱出疎林竹塢松岡曳杖尋一角紅牆斜日映滿山黃葉閉門深僧閒偶爲看雲立詩淡何妨對佛吟蘭若秋光傳色相便從靜處悟禪心

馬

字雨如海甯人候選郎中

阮元硤川煮振圍記嘉慶九年夏浙西大水十年春蠶麥又失收民益困乃奏設粥廠於十五川縣凡三十四廠硤石惠力寺廠其一也海昌馬君銓以部郎居鄉素好行其德委以廠務力任不疑余又薦原任臨海縣令尹無錫華君瑞璜助之日振數萬人無擁塞之虞以故硤石之振尤爲盡善馬君繪此圖屬華君寄示余於揚

州并屬題後是仁者之用心也曷再以原奏及煮粥散籌各章程附錄於後俾後之人益有所考焉

東山雅集圖次方藕堂司馬

維翰韻

松篁滿徑漫支筇取次追歡意未窮已共尊前邀月色還欣  
座上有春風才徵福地雄如海調繼新聲細似蟲差喜山僧  
能解事碧紗籠徧壁西東

朱

鍊原名其鍊號半垞嘉興廩生著七百卷室詩

孫瀚曰半垞爲侍御其錫胞兄開戶吟咏不厭于諸事母至孝母歿後足不下樓者數年

錢香舲北行投蔡郎中署

惜別兼風雨天高落木寒有親謀斗米匹馬走長安作客奚  
辭遠依人大是難恩恩留不得寂寞此江干

沈光劍

字青城嘉興人著望雲草廬詩稿

九日渡瓜洲

清秋喜遂歸來賦挂席侵晨出瓜步朝霞宿霧黯未收陽鳥  
起關滄江路江平萬里滑如油纖波不動揚輕舟天光水色  
四相接金焦倒影沈中流生來本有江山癖此際推篷興無  
敵莫言客裏負登高涉江更勝東山屐

陸

鑽

字鈞璫號菴鄉秀水諸生著鬱林山館詩集

家傳略先生少年鑽學爲老輩所推許郭頻伽謂其詩雅潔空靈不染時世風氣脂粉甌破之習

讀張季鷹傳

季鷹未入都行迹頗落拓從未謀面人同舟竟至洛豈知善  
沈幾慮遠見亦卓是時晉再傳網維盡頽落嗣皇實愚歎悍  
妻肆陵虐成都非荆枝長沙甯棣萼偶因秋風起歸興歛然  
作惟觀世變深詭託宦情薄遠懲上蔡犬近鑒華亭鶴迥異  
耽麴糲亦非戀邱壑銅駝荆棘中前知詎一索千載仰風期

進退誠綽綽

排悶

睡起無聊賴愁懷仗酒澆一花紅屋角初月白牆腰廢詠交  
游減趨時道味銷道然發長嘯響入碧雲遙

吳淞歸舟用孟襄陽夜歸鹿門韻

春江漠漠煙水昏浪聲不住船頭喧行過遠村又近村明月  
多情同到門門前小橋橋外樹樹底漁人來往處開窗白雪  
點波心一隻鷺鷥忽飛去

胡賜薰

字蔣香  
石門人

貞烈詞

地以人爲重人以義爲美今有柳氏女幼字趙家子未笄識  
大義言行先合理人傳夫病瞽父母意不喜竊慮中有變矢

志身先死身死神不死病瞽佑之啟生者目復明死者目瞑  
矣從一見貞烈閨中只有此貞婦歸趙家烈女出柳氏兩地  
弔芳魂望溪通語水

陸拱斗

字拙軒平湖諸生  
簪當湖竹枝詞

李宗傳序略昔子署任平湖客有以張鐵那徵吾當湖  
百詠持贈者見其婉而有情質而不俚以爲深得擢歌  
遺意後三年復權縣事陸君拙軒示以所著當湖竹枝  
詞百首其體則承徵君之舊而所述遺聞瑣事多有徵  
君所未及者後先  
婉美均足傳也

當湖竹枝詞錄六

絃歌幸得近賢居講院春期課士初來往香花橋下路崇祠  
拜手仰三魚當湖書院在清獻公祠內前有香花橋三魚清  
獻堂名國朝從祀兩廡者惟我邑清獻公一  
人

溇陽九派擬名區交甫當年事有無最愛思翁留墨妙樓臺



明月唱還珠

弄珠樓在東湖中舊有董詩石刻久失色  
令張公力行購得重置壁間作還珠行

煙徑空亭賸十杉水西雲塢石巉巖芙蓉如面湖如鏡隄外

遊人卸錦帆

張園有十杉亭水西  
雲塢芙蓉隄諸勝

松陰梓徑綠迴環名勝東湖第一山不見雨花飄講席尙留

貝葉鎮禪關

寺為東湖第一山松風臺在寺後宋竹庵師築  
雨花亭即其講經雨花之所梓樹坪亦宋古蹟

家莊簡公建環雨  
閣貯大藏經一部

紅檉田舍枕清溪黑蜨閒情自品題三絕至今珍翰墨詞名

傳徧浙江西

布衣沈南溇居紅檉田舍工詩書畫時  
稱三絕著黑蜨詞為浙西六家之一

草堂五嶽記遊蹤小小嬰山洞壑重泉映月華松雨歇蓮雲

一覽最高峰

張熙河孝廉徧遊名山歸築五岳草堂庭前疊  
石為山名曰嬰山有月華泉松雨澗蓮雲峯羣

山一覽  
峰諸景

汪嘉穀

號東邨桐鄉廩貢官青  
田訓導著秋籟閣詩鈔

桐谿詩述君有幹略凡修志放振均措置裕  
如懸權各學皆能體恤寒峻以文行相切劑

芝田竹枝詞

摩崖手拓混元峰

混元峰三字相傳唐人摩崖書

丹井紅泉不易逢

丹井在混元峰

葉法善煉丹處

今日荒亭傳點易研朱滴露認仙蹤

葉法善治周易唐元宗贈詩有

滴露研朱點周易句遂以名亭今廢

石門飛瀑謝康樂

石門洞爲謝靈運游覽處有謝客堂

香界棲霞秦少游

秦觀貶官

監處州酒稅曾寓青田之棲霞寺有云市區收罷魚豚稅來與彌陀共一龕

往事風流傳二老明

禮真不愧千秋

余擬合祀謝秦二公而未果

文成故里紀南田經濟留侯實後先

文成初隱南田山明祖以禮聘之曰此吾子房

也 豈獨勳名誇一代犁眉覆瓿寶遺編

公有犁眉覆瓿等集

多士橫經半荷鋤衣冠古樸似皇初年豐喜得嘗新穀記過

先農再讀書

俗以登穀後具雞黍以祀先農祀畢嘗新几子弟在塾者必假歸

程拱宿

字經野號筠泉桐鄉稟貢官

揚文樸日筠泉少年任俠家素封屢尼視融遂中  
落自榴嶼歸水邨山谷無不游覽可以想其風概

五河涇

冷花零亂甚風景似愚谿岸晴飛鵲家家午聽雞一瓢荒  
店外雙屐斷橋西小宅東偏竹還來認舊題

銷夏灣

不斷微風吹四山小蜻蜓泛碧波閒采蓮人去惟留月長占  
吳王銷夏灣

鍾錫齡

字行可號省園桐鄉諸生

石瀨山房詩話省園生未市月而失侍幼患痘右目失  
明然羣經卒讀兼通九章五曹之書爲學使阮芸臺先  
生所賞嘗以宋宗正儀公事類賦多引古籍後錫山華  
芋園續廣之則又多引唐宋以下泛及元明人語因采  
唐以前事補綴得若干篇不得成書歿年僅  
二十有四負才早世人咸比之鍾廣漢云

訪梅花道人故居

朝見梅花開暮見梅花落梅花故多情道人渺邱壑香雪沁  
肺腑畢生性落拓畫隱愛春波卜肆有餘樂茅屋三兩椽垂  
簾心淡泊何處尋竹君秋風捲敗籜

重建曝書亭

太史藏書多著錄林居六十甘知足濛濛灣口荷花池垞南  
垞北圍寒玉憶昔茆亭劫建成移山選樹愜幽情人淡於菊  
瘦於竹綠陰四匝花盈盈槐泚菱池添小築簾幕深深護吟  
屋宅邊柳樹影檀欒谿上梅花香馥郁依舊池塘春草青縹  
緗八萬散零星荒涼已似裴公島風雅還尋揚子亭重葺遺  
墟動遐慕濟泉壘石都如故質簪歲歲報平安竹垞圖煩丁

甲護

胡

珊字渠珊烏程諸生著  
問波嶺南詩草二卷

眼鏡二十八韻和隨軒觀察

人生具五官所司各有常惟目不同科倍蕪難比量  
明或察毫末昏或失青黃熟視而無睹亟亟求其方  
在昔滿刺加萬里來梯航有鏡名鬣鬣籠眼晰微茫  
厥後遍中土似于此濫觴維公仙人姿雙眸炯星芒  
少讀中祕書筆札給披香蘊釀七經醉陸離三策長  
有時爲說詩突過丞相匡取士持冰鑑所在多令望  
嶺表近揮巡明德歌載颺暇日一凭几揮灑翰墨場  
曹蠅兼衛蠶炯炯照縑緗顧以年境增藉茲老冰將鏗  
然賦長句意義何慨慷伊余年逾壯衰微先兩眶初若蟬翼  
翳繼則蛛絲張鐙下苦濛濛酒闌更方皇空青眇難得無已  
啟鏡囊片片翦秋水雅製仍西洋拂拭一再試蘋藻鑑方塘

拜手敬謝鏡逢君眞輝光不自揣身固擲管貢掄揚譬彼牛

背笛無以佐入瓊公詩如金篋到眼滋清涼他日播藝林嘉

話媿家藏

明吳匏庵家藏集有謝屠公送眼鏡詩

陸

陰

字靜川號柳南烏程人著柳南詩鈔

府志陰以隱居讀書工吟詠輕財好施鄉里稱爲善人

小除夕歸自許關

咫尺江關路歸來歲已終兒童笑相語雞犬識家翁短鬢綠  
愁白衰顏借酒紅餘生殊可樂何必計窮通

春晚

閉戶春將晚雙榆綠覆檐晝長書課緩歲閨鶴糧添垂老身  
猶健安貧夢亦恬庭花開未徧酒盞待遲拈

獨坐

分無清福住深山小憩年來但閉關久與世違非寄傲近從  
禪悟欲投閒舊詩不爲求傳改新竹都因礙徑刪除卻攤書  
惟隱几自疑身已出塵寰

六十自述

學仙學佛兩無緣小住塵寰六十年貧不依人因性癖老能  
無病得天憐偶談山水神猶旺屏迹江村夢未圓孤負柔弧  
蓬矢意那禁振觸淚潸然

七十自壽

彈指流光去莫追恩恩已到古稀時吟情不爲貧來減老境  
多從病後知故友相尋頻入夢山妻無恙尙齊眉衰翁自得  
家庭樂且酌堂前獻壽卮

沈

棠

號鏡齋長興人  
著五湖漁詩鈔

孫河序略銘齋生有至注父霞邨官潁州銘齋侍大夫  
于家嘉慶己卯赴京兆未及試歸侍大父病不解帶者  
四月後霞邨官廣西卒于賓州銘齋借其兩弟萬里歸  
骨樵悴慘戚見者爲之悲感平居兄弟友愛歲歉平糶  
及親友借貸無少吝夏秋山水發無主之棺隨流下遇  
橋石輒碎則以重賞購人撈取歲以爲常全濟甚眾其  
好義類如此長興縣志列仕表沈冬嶺號霞邨附  
貢生歷官安徽潁州府通判廣西思恩府通判

午日和杞堂韻

競將節物鬪新奇到處風隨俗尙移艾不作人貪製藥繭因  
爲虎未縑絲合成綵綾兒頻索開到榴花婢已知取次階前  
憑日影土圭試測午中時

閒倚匡牀戶晝扃午餘若酒醉初醒符能治病誰曾驗藥不  
醫狂未算靈杯盞香浮蒲節細園林花朵蕊蘭馨幸吾生際  
承平日甯字無庸貼外庭

石湖卽景



平波迷望錦成堆  
僅有舟痕一道開  
幾陣微風滿湖月  
菱花香過藕花來

病起看梅

病骨支離事事難  
披衣強起向梅看  
如何一樣清癯影  
君卻衝寒我畏寒

西郊

西郊散步意清閒  
荒徑無人自往還  
不熟世情休過市  
生成野性可看山  
微風半隴麥苗長  
斜日一林楓葉殷  
忽聽鐘聲擬尋訪  
未知何處是禪關

冬日郵居

編竹籬門傍水涯  
閒居嬾飾舊容儀  
半鬻味有豬肝供  
一卷書還雞肋持  
才其年殘奇氣滅  
心分歲事野雲知  
卻憐穉女

嬌癡甚頻執紅箋問字奇

昨夜眠遲曙不知紙窗多半映朝曦醒來噩夢神猶怖醉後  
狂言悔已遲隨意唵哦荒舉業看人馳逐少閒時梅花憐我  
清無伴先放東南第一枝

自嘲

敝裘頻仗火爐溫風雪連朝靜閉門病後身猶留似客累添  
子更小於孫第四子治兒生筆因凍合常教閣書有塵封久未翻屈  
指舊游都客裏更無人訪到山邨

憎蠅

臭腐爾逐藩溷爾居汙我白璧玷我新書趨炎坵熱其音營  
營繞我肩背我豈羶行虛室生明窗亦有紙如羝觸藩屢蹶  
不已力以德全惟驥有尾昧焉坵之亦致千里爾朋伊何厥

名曰蟲爾以晝逐彼以夜羣爾祖伊何厥名曰蛆蛆猶潛如爾則飛如何以制之涼州有虎磨牙果腹且躍且舞何以驅之魏國有士拔劍斫之筆端謚止雞鳴膠膠爾亂其常讒言藉藉爾擅其長竊墨聚硯落酒浮觥爾醜不空我心憂傷

戚芸生

字修潔號馥林德清貢生著寶研齋集

海棠花盛開邀春雨同賦

齋前種樹樹盡小只有海棠舊栽好幹高度可四丈餘花盛每先二月杪今春更較往年繁萬蕊渾將一樹抱濯來美錦乍靄紫烘出萌霞又晴昊垂垂奇石帶瓏玲拂拂小亭迎窈窕生成富貴自天然獨立神仙在塵表薄寒翠袖倚風晚遲日紅妝泣露曉主人愧無金屋貯嘉客誰來玉尊倒每憐衰朽日相對未免繁華易生惱多哦誰可敵楊家不賦終應嗤

杜老待君佳句賞寂寞令我愁懷起枯槁

舟晚至德清舊廬

寒日茗川路清冷宛若耶山根當渡斷水勢入城斜雪霽汀  
移驚風高樹起鴉樓頭機響寂燈火借鄰家

戴銘金

字銅士德清諸生  
著妙吉祥齋詩集

府志銘金初名如琦字師韓居烏程嘗以失言忤人故  
更名自警生平無妄語有橫逆犯之不校母病累月  
辭滌廁輪皆自任之以屬婢媼生三子幼慧俱早卒  
晚年家益困賦絕命詞四章自經著有辭體文詩集詞  
集

秋夜懷已生

落葉下如雨秋燈影欲沈美人此遙夜靜坐弄瑤琴獨雁隨  
風去寒蛩伴月吟迢迢煙水闊無限別離心

落葉

西風昨夜到江城，狼藉丹黃無恨情。  
鴉宿故巢驚冷夢，馬嘶古道變淒聲。  
霜華暗逼紅心死，雪點新添白髮生。  
又是一番時序換，小園愁煞庾蘭成。

白門回首惹魂銷，秋老秦淮舊板橋。  
空憶佳人居北里，可憐狎客送南朝。  
焚香懺悔翻金偈，譜曲淒涼按碧簫。  
留得敝衣還待補，銀鍼好倩玉纖挑。

記否東皇費翦裁，重重疊疊綠陰堆。  
前朝戲蝶原行樂，此日吟蟬漸訴哀。  
望裏空疑蔥嶺失，掃來聊付芋鑪煨。  
健兒校獵無遮礙，日暮南山射虎回。

疏簾半捲曲欄憑，并剪芟除翠幾層。  
幕畫水邨閒著筆，校書山館夜挑燈。  
雨昏埋徑履穿客煙，暗上樓鐘打僧。  
只羨老楓霜後絢，丹砂駐壽有誰能。

董

史

字明鏡號漸齋鄞人

縣志史少孤好讀書見有善本必購蓄之構一斗室昕夕坐擁鄰里罕見其面與徐錫珪范渠友善有月湖三子之

秋園

搖落小園晚頻來亦解憂  
入門藤挂屋過雨水鳴秋池畔  
花映牆陰竹樹稠白雲無定迹物外自悠悠

遣懷

斜倚不成眠凝情自黯然  
故人梁上月來日霧中天徒抱荆  
山石誰聽海水絃祇應隨野老杖策寄林泉

謝篋賢

字仲諧號小崧鎮海糜貢候選訓導著秋鳴集警觀集

汝口詩存先生性孝友喜購書善詩古文辭時鳥程陳焯爲邑學師先生與之酬唱詩學日進聲調格律尺寸古人梁山舟賞之

題鄭書常吳山雅集圖

有美堂中客風流劇可憐  
笛斟初伏酒人到  
大羅天文獻江南北  
蕃畬鄭後先  
西泠饒韻事此會定無前

次陳無軒先生靈巖雜詠韻

曉雨橫江水接天一篙寒  
趁渡頭船山圍四面青  
無路麥長平蕪綠  
有田客好煙霞留白石  
茶因供奉煮春泉  
尋幽惜被廉纖阻  
把酒論文夜不眠

黃式三

字薇香定海崑貢崇祀鄉賢

譚獻傳略先生事親至孝嘗赴鄉試母卒馳歸慟絕誓不再應試於學博綜羣經不立門戶論語後案出讞者以爲漢朱持平之作嘗佐軍幕作備外寇議言如蕃蔡年七十二作知非子傳謂士以治經爲天職遇異義必以畏聖言侮聖言爲衡得失自知乃不敢勦說雷同蓋至是而學大成矣越二年得痺疾病甚欲起諸子扶之命書別語告兄弟宗族端坐而逝子以馬同治庚午舉人能世其學江東稱經師者必曰黃氏云著經史說十

餘種未刻論語

後案二十卷

緝雅堂詩話傲居先生自敘周季編略云綱羅散失之  
文搜尋遺逸之士使周季之衰猶見周德之留遺于六  
百載以後議高心長近世著述家未有也生平講學不  
立門戶尤長三禮得康成深處所謂研精覃思學者所  
宗此其人與

薺芄寄胡生伯寅

薺芄和人菱鉤吻雜黃精溜漚味誰辨鴟鳳竟齊鳴儒書  
老釋孰懲舒與荆爾愛漆園書幸而還嗜經訓詁聲音徹徐  
思性與情轉園自敏捷苦口豈能爭爾彈琴一曲寄書邀我  
聽我疑今日譜雅鄭不分程魏文嗜新聲絲竹耳亦盈岐山  
越裳操都與蠅蛙并我憾如陶公無絃索寂寞讀書避甚解  
慵侗過一生子細別宮商覬望和且平

歲暮



歲暮遠征行心迂景凋索宿雪積巖巔狂風鳴林薄蠍虎毒  
滋多訓狐聲復惡山人告莊生大瓠徒廓落莫刈蕭與艾莫  
伐樗與櫟徑荒蔓棘茨谷寒枯松柏人事互消長物理分主  
客虛心讀義經剝復今如昨征子空手回長歎初見錯

讀賈子

漢文本賢主賈生臣亦忠如何史遷記引與屈原同椒蘭意  
或妒絳灌人非庸改正易服色興禮修辟雍鑿圓柄乃方竿  
好瑟何工自從長沙徵祇問鬼神供九事論時務三復皆冬  
烘長策書肝紙憂懷入髓封以後遂默默此情想倥倥烹鮮  
讓老聃吮癰寵鄧通蠅營狗亦苟磬磬鐘長空潛思春秋學  
莫識盲左攻秦時火燄烈漢初日曠曠拭觀仍眯目疾呼難  
振聾上續荀張緒下開服杜功一髮千鈞引單傳萬代宗承

委誰溯源詠者嘒嘒翁

陶際唐

字次公號菊隱會稽諸生考

楊鉅源墓志君少負高才家貧客游豫章北達燕趙再

試京兆不第遂專力於詩古文其為詩恢奇沈邁務當

胸臆所欲吐尤喜論刺時事以此見於人酒後談當

世事媿不與王仲瞿交契有所作必以相質非其人

悲吟失聲與原最久主講龍標武陵各書院皆以不

輕與也客太原轉客大梁鬱武以卒念半生濩落悔

辭去浪迹襄陽轉客大梁鬱武以卒念半生濩落悔

以文字悉懣而焚之所存者痛自責勵取平日凡涉論

刺之作悉懣而焚之所存者痛自責勵取平日凡涉論

王曼曰陶次公詩善於狀物有吳道子繪世尊手段又

云李杜悲壯錢劉雋永無體不備自是君身有仙骨世

人邢得悲壯錢劉雋永無體不備自是君身有仙骨世

知其故亦先大父遺稿咸同之閒迭經兵燹復多散佚

自俗詩亦不存記有聚鐵六州難鑄錯行年五十始知

非句

古意

小園生蘼蕪春陽麗且鮮夫容初著花出水何娟娟馨香空  
自媚華年難久延美人不我期秋風來眼前芳時尙寂莫零  
落誰爲憐願言保顏色努力期歲寒

紅橋

平沙渺渺浪花消指點青山入望遙夾岸晚煙楓葉冷秋風  
一櫂過紅橋

山行用昌黎山石韻

朝暎明滅嵐光微葍葍撲面山蠹飛紛紅沓翠近可掬杜鵑  
開老松花肥林巒起伏屢回惑鳥聲喧樹人語稀亂泉淙淙  
看無迹探勝不疲忘朝飢高崖兀起落天翠回眸水影搖村  
扉雞豚閒放自瀟撲炊煙過午寒不霏地奇境別迷遠近老  
篁捲翠密密圍緣岡溯景一舒嘯天風浩蕩涼墮衣竭來偶

此戀幽賞山靈爲我舒塵鞅安得結宇依青壁白雲伴宿遂  
不歸

北山尋友不值

秋花媚空巖娟娟淡塵趣孤香杳莫卽時與幽人遇我來采  
紫芝山深不知處徑仄藤引衣人靜鳥喧樹茆茨半掩關修  
竹碧無數落葉堆庭階乾響觸芒屨長年混凡界未識煙霞  
痾偶來坐退谷心定得妙悟白雲遠若封高壁暗生怖一窅  
石上泉泠泠沁吾慮縱未覩山叟俛仰足欣慕忽地遠鐘鳴  
夕陽下平楚

柯亭

人世知音重千秋留此亭奇材今豈少當路眼誰青疏竹鳴  
秋雨孤鴻落遠汀空江何處笛徒倚爲君聽

寓園弔祁忠惠公

園外有池是公自沈處公致命時題詩曰園功爲其難潔身爲其易含笑

入九泉浩然留天地

一笑潔身去浩然留古今南都終王氣白水見臣心祠圯存遺像園空聞暮禽淒涼余闕冢前渡汨羅深

余忠節公同時殉節渡東橋下

與王仲瞿夜話

索處誰相過思君忽眼前歡休辭永夕別已動經年飢走憐塵路躬耕媿薄田行藏誰得計相對各潸然

感遇六首

錄一

呵壁問天天渺茫紛紛黑白幻何常鼈跛甯敢爭騏驎鼠腐何勞嚇鳳凰禱死達觀聞士變求生多欲鄙秦皇彭殤一瞋蜉蝣世未讀南華悟兩忘

掩關

掩關卽幽送散髮恣清狂雲過青山失秋深白日藏境因多  
病寂人爲著書忙生理全無補雕蟲亦可傷

懷張大樹藩

白雲東望接滄洲大好煙霞自在游莫問故人離別事四山  
風雨一鐙秋

別仲瞿

相見常苦稀相別一何急明知去莫留幸得斯須立風起夕  
陽亂帆遠青山合離夢遶秋江水深不可涉

甲申秋日客大梁病中作二首

落木蕭蕭入夜哀梁園臥病長蒿萊恥彈長鋏歸無日遠上  
黃河去不回翻悔聰明遭世嫉幾曾懷袞向人開白雲蒼狗  
須臾事容易霜華兩鬢催

八口飢寒萬里游，隻身天地竟何求。  
藐孤宛轉愁難立，病骨支離望孰收。  
何處青山償舊業，痛將白髮累親憂。  
勞勞底死歸無計，魂夢先應到故邱。

潘

諒

字誨叔號少白會稽布衣

寄心靈詩話余赴白門訪少白於四松庵後二年來揚

州寓寶駟庵兩目瞽矣猶與余論詩不倦集中有萬里

游詩一篇凡一千二百韻自古有

詩以游詩自序略謂好爲長韻興來快意而已詩無取

也故友姚翁昔爲定詩錄前後萬里游後篇爲一友所

失今獨存此不忍刪去言詩者多以無體疑之竊不謂

然蓋詩有四體自古及今固未嘗變至於格調篇句聲律

之法則屢有變今之律絕排偶并駢賦詞曲皆三

百時所無有者然體固無異也若僅論長短則世有數

百韻詩已歷千載或廣其韻謂爲無體恐未然矣譬如

書有六體自蟲魚篆隸至今行楷體固具在倘於波戈

橫直之外思舛一法原非智者不能若只論大小則一

以備一點盡二丈絹亦惟其力所能爲而已故特存此首

之一體云爾

陶潛宣曰先生以布衣講學震動公卿多受業者弟子  
錄今所傳常語二卷皆當時答問所記粹然儒者之言  
至于詩則非所經意輒書而天然高邁其品自貴  
自記曰子詩皆成于游當作詩時適情吐音如蟲鳥有  
聲不能自已偶爾錄存以見一生涉歷與讀書進退次  
第然存不必多古人之言已得其至者吾何爲焉姚宗  
伯元之刻先生詩曰林阜閒集程司農恩澤刻其文陳  
撫部繼昌合兩君所梓復增搜佚文及詞一卷常語二  
卷彙刻之曰會稽  
潘少白先生集

### 遣懷

清明桃李花風吹筵前任少年今白髮天涯看春去遐心浮  
春雲芳草催遠步樓臺立中天車馬盈廣路人生亦已勞春  
風更不喻百情漫長日悠揚入飛絮歲事春復秋人事朝還  
暮誰能一日中靜如不風樹

### 晉陽道中雜詠答陳仁山

涼風厲素節寒光動征衣草木被原皋清露隨陽晞高天亦



何涯榮瘁理則齊羣生作華實萬態迭榮萎金石古云堅糜  
淪淪光輝日月去已遠悵然攬芬菲徘徊千載中獨立安所  
歸

深堂佇秋月蘭露濡我裳和絃陳素琴風靜徽音長何年孫  
桐枝匠器成宮商昔聞古帝舜賡詠儀鳳凰雅製今不渝願  
以近朝陽客致千金書報之以芬芳乘風發妙蘊遠意不敢  
藏根在龍門山香滿君子堂

姑射有仙人吟風飲朝露風露誠不煩不如滋耕穫與人作  
網緼食德亦已裕萬物各有役愚智相依附禹稷播艱鮮巢  
許得含哺所以康衢人作息竭朝暮

來者無盡時往者紛已過人生千古內粒粟浮滄波賢愚均  
歲月茫茫同山阿朝日照大衢車塵何嵯峨馬蹶竟長道古

往今更多誰能轉靈化含氣固天和徒見采藥人高冢齊岷  
嶓去去白日暮盛顏已爲皤黃金鑄景光烈名排山河

驅馬陟高阪攬衣望瀛洲澄光自天來高蒼浮清秋四極漫  
渺渺白日鳴羲騶百生何茫茫動植盈山邱太空育天地生  
物不自由消息竭化機飲啄有餘求願言三神山化作良田  
疇白鹿爲人耕鳳凰爲人耰蓬萊在中陸弱水容方舟

緜緜車馬道磔磔溝上榛尺度盡株柯餘條猶支皴萬物苟  
適用鮮能完其真材則徇磨礱不材付芻薪金石遞新故矧  
乃斧與斤至靜有妙年冰雪遠灰塵崑山千載木不爭榛蕪  
春

疏疏楊柳樹灑灑涼風發碧天皎秋河清溪濯明月千載自  
曠朗古心無纖缺置身百歲中悠悠以華髮

春風吹青鬢好花屬吟腸芬菲各不猜及辰霏光香壺中曠  
日月人壽悠且長組織天孫機燦然成章壯心在豪舉顧  
影良自芳逝波渝華景飄蓬轉冰霜儕身往昔中萬古始茫  
茫生無一物材何以恣徜徉

道旁有佳樹顏色既已齊繁英閒秀實無人自芬菲金玉爲  
筐箱千里貽所思美質爲世用豈不生光輝曠世毓奇芳恆  
在千尋枝人無凌雲梯中道空徘徊

秋晨二首

朝日照簾下清露湛芳離怡然吸其英幽香如我思香是造  
物心受氣各自爲含質燦光耀所著非前期霜露皆有滋榮  
枯乃其時勁萼或冬榮柔蕪亦夏萎吾生諒弱植衰病憔悴  
之幸有本性存滋息來微微良堪自怡悅豈必紛葳蕤靜視

草木情同此生息機有生各自好優游娛清輝晨光照閒階  
隨意近芳菲秋園多佳鬪幽馥生人衣置身遷化中白髮何  
足悲

簾外朝日上輕雲媚晴天雲消天逾淨山影落我前遙情寄  
素心拂軫弄修絃清音激空起天色逾娟娟泛聲泊晨風曲  
自心手傳不知遠耳音誰與枯桐緣清濁自有真聽者識其  
全百年一彈指陳迹如陳編一室醞芳香千載評媿妍宮商  
出素絲曲調遂不遷後人評此生將謂愚與賢且盡今日懷  
斟酌聞聽先資生兼百物脫粟常腹便謂是中無求造物當  
粲然日月轉雙轂往者猶逝川惟持曠蕩心消我嬾散年停  
絃慨然歎漫吟遂成篇

題家書後

衰疾歲未已終日臥南楹芳草淒以萎白髮隨時生長風動  
秋色萬里吹寒聲農疇卒南畝遠塗稅長征有身各爲營歲  
事俱已贏孤客但高枕時序怡然更豈無生所藉遠志守冥  
冥飢寒誠切膚何似愧作并

峽中夜破舟孤行山谷閒雜詠

前山似是有人事側足陰厓望天地兩厓咫尺隔星源魚龍  
滿前使人悸高巖醉石垂昏藤碧花懸紅不可捫逍遙得句  
無紙筆朗吟獨與天高聽

巨掌鐵色青瑤稜銀河宛轉瀉瓊冰斐然玉聲喧高冥約束  
淵海中權繩千古萬古昏蘿痕天孫素機晞朝髮澡滌海龍  
負山骨梵宮古禪眉一尺滴滴銀壺聽秋月小塘玉澈寒螢  
飛月光照路紅塵低魚龍舍我出大浪迴立天末之虹霓迢

迢青空見其表造物豪縱爲山谿結根直入滄海底聳秀或  
傍星辰梯傾瀉胸中九雲夢脫略世事藐鵬鯢虎豹掉頭不  
敢獷魑魅扶人過幽莽崑崙元圃入外鏡羣仙羽衣集金掌  
飄飄孤影望九垓清詩遠韻問魁台丁厓俯駭紅樓斷虛谷  
忽裂蒼煙開碧光欽嵌河漢轉暗影突兀岡巒來清夜如年  
不可曙寰中靜月相徘徊不知語聲是何物但見古井生莓  
苔或如白衣起幽蔓子子人立沒陰隈我生曠步洵壯哉盧  
敖若士豈我儕萬象出沒積氣內百年人事青芒屨山巔牖  
下皆正命美酒誰及寒潭灰江河到海我尙在藐爾坎塿安  
足摧我懷

漢槐

此在介休郭林宗墓  
又一在太原城北

林宗墓前有古槐遠途數舍見崔巍久共金莖語秋露始見

樓桑茁春雷風雲翕霍二千載鄧林生死幾榮菱東溟浮筠  
光彩遠荆南冥靈風雪摧此木昂藏望霄漢厚地聳秀青天  
垂人言林宗手植此矯矯萬古揚清輝洵乎不朽皆有託亦  
汝勁固能自爲修士風流尙如此何況至道光台魁零風杏  
雨傲天地岱松雍柞秀苔莓我來驅車過樹側綠陰如山搖  
廣陌長風瀕洞天黛色闕巖巖壑窺正黑下疑根泉通滄海  
上恐柯南有仙國株圍十丈盤數畝寄生如輪過百尺織女  
中宵拂素機孤鶴青冥回羽翼偃蹇風塵官道旁世無斤斧  
豈汝力窮山穹谷求大斲班輸旁臥不敢憶卽今已非梁棟  
用傲兀冰霜不自惜孰云剪伐方爲材從容只信乾坤息太  
原古樹今亦存欲爭造化申細緼棲遲籬落秀塗巷九原無  
處依龍門

陶槎翁邀飲爲星江舍人及坐中諸君畫梅

我今不飲幾日哉酒鑪煮藥甕生苔毫端墨瀋蠟亦盡六年  
臥若冰底灰夜吟頗覺味曾好宿痾欲去結習回翁來見我  
和陶詠欣然命侶滌酒杯聯瓶沽春竭東海醇風千斛洗虺  
隤東鄰舍人翩然至素心照映如寒梅更有清談二三偶拂  
硯索紙吟作詠圍鑪茗聲轉秋浪起觀壁畫惜埃煤寒空日  
午凍雀下高簷樹影橫冰枚宛憶孤山領鶴步寒厓漱激清  
泉迴興來索絹磨斗墨畫作雪澗明晴暉玉人遺世皎獨立  
碧天淨月照修眉飲盡三觴作三幅顛吟敲字左右俚主人  
笑我老更放筆如掣電鞭迅雷大蠡湛湛望無底韻事不厭  
光陰催是鄉自古無冰雪四時春意如重醅重簾日落月已  
上玉山未肯頽崔巍六年身世今日樂餘痾盡去爲裳輻未



知飲此復幾斛糟邱殊勝黃金臺酣情漸漉夢欲至冰街夜  
靜霜滿鞵殷勤相送二靖節出門望月明星來我思乙亥重  
九夜孤山詠集同音借菊花縮酒祀和靖時無雪萼對金鼎  
今日梅花贈彭澤天寒籬下雪作堆百物要以氣運合二老  
相遇應無猜諸君持此語造物芬芳生世須有儕古今若無  
彭澤輩梅花菊花俱妄開

送人至湖北

晴郊三月桃李語春水無聲向荆渚風亭落日照離帆主人  
奉觴勸客舉平生讀書聲過空高臥田園殊自許孤雲在山  
須有用他年出作何方雨好官今是勸農使萬戶幽歌迓前  
簿大江以南春正深花落閒疇叫桑扈君今努力飲此酒去  
與農人作歌舞天涯會面安可知萬里相思共箋楮君思我

寄語清潭之閒鷗我思君問訊汀洲之芳杜

過鑑湖人家紀事四首

錄一

樓靜月光永山幽世境深巖泉傾遠耳松影墮涼琴酌酒有  
佳致聞香多妙心樵風雲出岫花氣入微陰

見酉山落花詩復和三首

錄二

名花與風雨自古若爲期蘭蕙不長好芬菲人所思香從元  
氣綻佩自昔人貽斯意無霜雪春風自爾爲

春色如春酒去來人醉醒樓臺一意綠天地兩眸青佳思出  
羅綺閒情觀晦冥送春猶酒渴酩酊抱空瓶

自晉陽過榆次

落照古營州青天雪盡頭羣山飛葉盡孤客鬢毛秋遠色鏡  
隨樹寒聲角滿樓魯連江海迹此地十年留

獨行

是地逢清賞，無人多。此君溪橋出，秋樹山寺坐。晴雲孤磬因，風至幽泉相。興聞青山與藤笠，各自擔清芬。

初春雪

樓曙鴉聲靜，閒窗密樹斜。風寒猶到地，春淺不妨花。盡日掩空巷，夜聽明月華。城南銜事好，冰屐泥行車。

吟月

山館初涼夜，幽牕橫暗藤。葉聲疑小雨，霜意入秋燈。萬態皆能寂，孤懷坐自凝。靜中猶有吟，漫興韻頻增。

意行漫題

閒日去悠悠，閒人許白頭。吟隨春意漫，步爲水聲留。野暖生虛靄，天青見遠樓。人閒有屐屐，原不贈公侯。

何子貞寄到黃香鐵詩札卽事答之

遙更約寒雨高詠費燈花遠信呼殘夢夫君隔曙霞朱絃千里直素質兩人華問訊南枝外春醪幾度賒

西湖春曉

樓上餘寒咽洞簫玉鑪晨氣互蘭椒春泥燕足溼羅幕小雨屐聲過畫橋開到海棠花有數預排香簟夢無聊杭州自古消愁地處處青帘挂酒瓢

屢哭舊交入春已數次矣老境所不堪也

衰年岌岌向頽波泉下人傷鬢未睡眼底坐看知者盡夢中反覺故人多遺書黯淡名山冢灑酒蒼茫豪士歌此味今如殘蠟炬寸心灰盡淚滂沱

見舊泊舟湘漢閒詩和之

江上人家早掩扉，溪煙漠漠徑垣衣。山鐘乍動佛燈上，初月  
向人江鳥飛。遠柝因風知近市，棹聲隔浦識漁歸。當年每值  
清秋夜，大半孤篷傍釣磯。

讀曲歌和朱二作

蓮心各言苦，雖苦不同心。荷葉齊出水，誰知根淺深。

秋圃曉佇

秋草及晨露，傍籬生碧花。畦翁撥荒蔓，閒數臥膝瓜。

夢作

銀河秋浪玉潺潺，萬里天風笠影閒。一片飛花過滄海，碧山  
明月是人閒。

讀元真子漁父詞憶前過西塞山有詞和之覓稿不得

復成五絕句

錄一

生長江中好是閒眼前處處有青山  
東西南北高天底恰在桃花流水間

波上浮家一笠寬洞庭秋色倚舷看  
人間但有煙波處便好狂歌植釣竿

畫梅爲劉申受

擬將一片崑崙玉刻作離奇老樹杈  
袍笏終嫌風致別元章不敢拜梅花

嚴

銓字仰宸號雪樵餘姚人

黃炳堃曰君世居縣北自號姑湖鈍叟性閒適不樂仕進喜酒耽吟江山水足迹不輕涉城市兄弟三人友于焉

南樓卽事

雨過乾坤萬象開憑樓遠望興悠哉  
諸峰遙向雲中插遠水

明從樹杪來書味最宜秋氣爽詩懷卻被夕陽催推牕試墨  
閒臨帖引得山光到硯臺

春晚過山家

送春何處好最好是山家細雨肥新果輕風掃落花呼童刪  
草木對客話桑麻小坐茅簷裏渾忘夕照斜

春晚

幾日陰晴轉旋看節候移晝長曉鳥倦春盡落花知駒隙過  
何疾蟲編空自怡平生無一得逝者已如斯

自題齋壁

新粉牆圍半畝宮索詩廊外夕陽紅居如蝸舍心偏曠字擬  
蠅頭學未工兒硯潤留蕉葉雨琴書香拂桂花風亦知生世  
無能事灌菜秋籬課短童

自題畫山水

雨後晴嵐翠更新滿林初綠藹餘春溪山十里無人管添箇漁翁作主人

謝晉勳

字琴臺上虞虞貢

上虞詩集琴臺賦性聰穎於學無所不窺六書九數之功尤深著有推春秋日食法一卷

憎痢犬

嗟嗟誰氏宅痢犬逋逃藪晨昏倏聚散東西竊殘糗無端吠  
唐堯甘隨小人噬毒齒著肌膚齷齪甚塵垢驅去忽復來猶  
獾魁羣醜我欲獵南山蹇劣不善走我欲用司昏怠情不能  
守縛付樊將軍將軍怒不受笑贈燕市客燕客恥不取三公  
豪俠人生平慣屠狗一朝殺痢犬蘭佩香自久

憎蠹魚



形體頎而長色澤白且腴居室何巍峩天祿與石渠朝夕所  
娛戲玉軸牙籤書敵囑文與字游行頗自如不知有漢晉何  
論唐與虞可以破萬卷曾未識之無借問此何名人盡曰蠹  
魚安得裁芳芸遍贈好學徒置之篋笥中蠹魚盡驅除

張茂華

字博卿黃巖人著問  
花亭偶集雪樵吟藁

登沙埠嶺

百疊入深山樞衣履絕壁舉首望青天青天臨咫尺長林夾  
路陰森森聳如戟空翠摘寒巖松花媚幽石我來茲山遊具  
搜窮幽迹須臾暝色生西山日已夕微雨溼空林清泉漱芳  
液十里浮雲垂百道寒光射長嘯竟忘還蕭然思脈脈極目  
向里閭惟見遠煙碧

過裏白洋

日暮乘佳興來尋此地幽淡煙孤店晚小雨一山秋古樹參  
天立雙溪夾道流忘機真有象閒數落沙鷗

王

瀚字灝亭太平巖真  
著灝亭詩鈔二卷

龍山精舍

石筍秀排雲雲窩削巖石谷鳥鳴伊嚶松篁紛秀色園亭環  
蒼翠圖史怡晨夕靖節留畫象紫陽駐遊屐追和壁閒詩硯  
池松露滴

花陽卽事

好傍山阿築草廬雜花蓊蔚竹蕭疏侵簷古檜青無礙當檻  
晴巒秀有餘見客何須頻著帽種蔬不憚自揮鋤朝潮夕汐  
依時至臥聽柴門喚賣魚

唐

濟

字和齋號雲帆蘭谿廩貢官  
瑞安教諭著益壯軒詩集

縣志濟好學有至性讀書率手錄好誦左國以爲文章  
宗主晚年尤遷易理著讀易闡微及隨筆等書雅好山  
水宦遊所經徧游天台括蒼雁宕諸勝因通堪輿學詩  
境頓進豪宕感激足繼風化嘉慶五年邑有水災擄浮  
尸以棺壅之復倡捐籌振以食餓者生平訓子弟  
嚴務以成就相督課卒以子王森貴贈光祿大夫

章貞女詩

并序

貞女蘭谿人世居邑之香溪幼字石渠呂氏卽女祖  
姑之孫姑之子也未娶而卒女誓不貳兄嫂爲議婚  
他姓女知赴水得救不死議乃寢時女祖姑尙在堂  
女願事祖母父母以終道光年間閱十八寒暑矣父  
母祖母相繼卒夫家乃擇吉備禮迎婦抱木主成禮  
一時婦女觀者咸感泣數行下司訓沈秋河紀其事  
徵詩以風世

香溪溪水清且香溪源旣遠溪流長宋代賢良炳史冊今有

貞女傳芬芳貞女呂婦全城裔石渠舊戚新夫壻比翼羌無  
一夕緣兩鬢遽歎重泉逝盡捐絺絳與鉛膏同穴奚須待共  
牢古井波瀾成永誓瑤池冰雪勵清操忽然平地風波起女  
貞木上謀連理慘聽笙篔一曲終紅顏倏赴東流水薄命何  
期得更生高風從此繼懷清描鸞改刺斑衣舞詠絮偏陳令  
伯情徹環徹瑱銜憂恤十八年來如一日怙恃云亡祖母終  
女兒孝養家庭畢空闈何事更長吁爲念羅敷向有夫矢志  
永甘女不婦占爻還擬姪從姑于歸卻抱崩城痛戚黨來觀  
齊一慟對鏡悲看獨舞鸞俟庭不見雙飛鳳祖姑姑母淚同  
垂傷心佳婦無佳兒含悲轉恐重姑戚茹荼自謂甘如飴從  
此吞聲收涕泗無形視聽承中饋湘水捐軀舊恨長痛定微  
聞說一二嗚呼常山舌荀采屍大節千秋一樣持寄語世閒

長樂老勿慚巾幗負鬚眉

蔡烈婦詩

枉筮從姑幼有家長來玉樹變曇花合歡緣了盧醫藥獨活  
期延魯婦鬢甘死不須魂化蜨媪生猶是足添蛇黃金作醜  
無人覺勝飲銛鋒向莫鄒

遣興

彈鋏無歌慣食魚堆盤苜蓿免軒渠爲添睡味傾新釀翻效  
兒時理舊書清話何來揮塵客獨歌猶是考槃居一心靜領  
安閒趣世事浮雲任太虛

登蘭陰山

白雲涵青穹遙岑瀉空碧觴詠登山名流集裙屐展溪山最  
深處殘碣前朝蹟澹然王者香幽蘭喜猶昔

重九日祭程編修墓

墓在蘭江紫巖山墓前有石高二尺刻程編修墓四字故老流傳以

爲建文遺臣君樞先生也當時忌諱極嚴故著其姓存其官而隱其名如江西豐溪浯村水漲隄決獲碑刻題曰素淚江山後人爲建文時練御史墓石幽光永閔其可悲矣重九日偕友人致祭感而作此

金華山深煙雲秋支隴列翠高難儔皇回禪院紫巖際古墓  
隱起殘碑留天高日晶重九節裙屐詠森名流登高望遠  
涕欲下釀酒弔奠程編修編修當日處危勢靖難軍興竟莫  
制燕燕高飛上帝畿兵象分明應來歲膏粱驟啟金川門蟲  
沙猿鶴黃塵昏咸陽一炬闔宮燼郭公夏五難深論叢殘蠹  
簡半疑信勝國軼事徒紛綸神龍潛蹤不知處魚服蒙塵無  
定所草服黃冠老道人患難君臣祇羈旅鐵鞵踏破走天涯  
滇蜀追隨更吳楚雁宕天台風景奇東西歷徧之江渚萬苦  
千辛數十年送還老佛歸家山臣心未盡事粗畢鴻飛冥冥

蒼莽閒吁嗟乎鐵尙書方先生日月亙古同光明東湖樵雪  
庵僧溷迹濁穢韜其真孤忠顯晦總無益金陵王氣成灰塵  
首陽雖僻盡周土手采薇蕨心猶驚西山孤墳不封樹安用  
老臣坏土存微名浩然正氣兩閒塞荒山一隅有陳迹父老  
流傳歌泣思何忍遺蹤就湮沒讀聖賢書學何事醉眼摩挲  
墓前石夕陽影裏話前朝勝晤靈均誦楚騷靈旗高颭渺天  
外長松萬仞風蕭蕭

張德相

字銓一號石澗東陽諸生

憂旱歌錄一

買官穀 東陽第一厲政也

政苛猛於虎吏暴毒於蝮橫飛能啞人賴有賢州牧州牧自  
謂賢其風清如穆白晝餌陽鱗漁利刮人肉官與姦吏通爪

牙資耳目勢挾雷霆威慘倍風霜毒二月完新糧八月買新  
穀買穀勿用錢不納有鞭扑六十有八都均攤十萬斛無穀  
將奈何官曰錢當粟無錢將奈何吏曰拆其屋錢入充官橐  
穀入飽吏腹官富民則貧民貧吏自足官吏交相慶張筵歌  
新曲歌者大歡喜聞者吞聲哭我民且勿哭或者邀天福天  
福亦易邀從此歲大熟無何災游臻蛇龍鬪平陸白骨和石  
沙突不留半菽如珠米價昂一斛二千六自春而徂夏男婦  
羣采蒿今年災更異旱魃煽炎熇紅爐而大地赤日焚林麓  
鬣稚委溝壑目擊頰頰蹙蒼天殲我民仁彼豺狼畜豺狼當  
其道野狐鼓其族彼旣飫膏粱此亦醉匍匐誰能伐豺狼蕭  
斧斬惡木慷慨作哀歌哀哉此究獨

張嘉金

字銘之鄞人嘉慶丙子解元官臨海教諭



縣志嘉金刻苦奮學以胡安定曹月川自期司諭臨海  
士風大變講堂就圯謀同志以慈濟寺隙地新之平生  
孝友端方一事不苟後輩皆敬憚焉

題孫蘭皋帶月荷鋤小照

冥搜詎無情守見知未廣睜言撫雅構起意滌塵想成英石  
亂疊噴珠澗爭響幽徑有畸人負擔自來往朝遊閒雲深晚  
歸涼月上之子亦何爲箕穎心焉仰

汪遠孫

字久也號小米錢塘人嘉慶丙子

胡敬傳略久也自幼聰穎侍祖父受經能通大義日讀  
注疏以心得者輯爲攷異又以抱經堂釋文本多譌闕  
欲爲補正于湖濱起水北樓春秋佳日棲息其中因自  
號曰借閒漫士厲樊榭遼史拾遺東城雜記梁處素左  
通補釋汪選樓三祠志次第開雕其他亡友詩文代爲  
校刊者更難悉數卒年四十三親疏遠邇皆咨嗟太息  
所著有詩考補遺國語考異發正古注漢書地理志校  
勘記借閒生詩詞配梁孺人著有列女傳校注湯孺人  
著有玉臺畫史半

爲君所訂正云

吳振械傳畧小米承祖父餘蔭能溺苦于學甫冠舉于鄉再試禮部入資爲中翰旋失外蔭遂不復出奉母齊家督課諸弟六行克敦赴義若渴盡發先世藏書而讀之故學日益進暇與鄉里耆舊結東軒吟社歷一星終逾百集因繪爲圖錄其詩爲清尊集購別業于水磨頭日借閒小菜有樓當西湖之陽顏曰水北時與四方賢雋觴詠閒作錄其詩爲水北題襟集吾郡之續輯杭郡詩臨安志爲最古仿宋重雕以廣其傳余之續輯杭郡詩初諸集大半得諸其家遠借刊亦譚鍾麟請入祀鄉賢疏略已故內閣中書汪遠孫置言慨然任之乃工甫及半遽爾逝惜哉

飛來峯訪清涼居士翠微亭題名

三字獄成岳王死韓王雖在事已矣不騎生馬騎蹇驢老向西湖作居士東南佳秀靈鷲開特地一峯峯飛來山半築亭恣登眺名曰翠微資雅材感舊思將歲月識十指戰餘僅全

四命男彥直摩崖書流傳鐵畫銀鉤字吁嗟南渡多英雄一  
死一生心事同趙家無復有尺土四十八字撐青空我來剔  
蘇讀一過想見威名敵膽破笑殺劉郎文墨疎侍兒代筆胭  
脂碗

夏松如招集濃華書屋

草色薰簾竹繞垣多君置酒啟名園室中彝鼎劉之避花裏  
笙歌晏叔原淺醉傾心忘爾我深談刻意謝寒暄玉堂他日  
輪清宿應惱風枝攪夢喧

錢武肅王鐵幢歌

蛟龍怒挾銀山吼百雉江城幾不守錢王射潮鐵箭飛箭頭  
迅逐潮頭走箭所止處還樹幢譌幢作箭傳聞厖當年賦鐵  
事鼓鑄燭龍銜火夸娥扛剗地千年屹不動白馬餘威氣爲

聳迄今霸蹟久銷沈萬戶耕犁開麥隴近聞黃河水勢高漕  
船飛輓千夫勞築隄何日得奠定沙中覆釜安波濤

魏貞烈女斷指圖

亂雲塗墨號朝鴉女貞一樹冷不花訪友北郭鶴山齋相見  
未語先咨嗟閨中有女年三五生長膏腴厭雕組選壻欣開  
孔雀屏侍親未繡鴛鴦譜郎君家世龍門開翩翩才調儕鄒  
枚方期蘿薦他年託詎料瓊瑤一夕摧噩問倉皇驚欲絕僕  
婢丁寧語勿洩默有靈犀夢裏通暗悲寡鵠銜前咽女腸千  
轉柔如絲女心百鍊堅於鐵春月秋花悄以傷強顏歡笑慰  
耶娘中宵斷指忽自誓願得長齋佛火旁口雖不言心早矢  
一病恹恹從壻死證盟泉路覓唱隨含恨庭闈負怙恃吁嗟  
乎未昏守志古所疑此語苟同無異詞策名委質死無二臣

道如斯妻可知人閒有此女子奇不誇南入眞男兒

冬至前二日書農學士招飲鬼子酒翌日嚴丈鷗盟以

二瓶見餉賦謝四十韻並簡學士

吟社歲而五銷寒圖啟九學士玉堂仙愛詩兼愛酒品酒如  
品泉一勺則旨否越女貌如花佳名豈虛負

是日先飲  
女兒酒 曹騰

盡醖顏縱橫猶戰拇少選命更酌房中雜奔走平頭擊瓶來

晃漾絀而黝光遙射客衣漉已流吾口色映翠鳳凰彩奪紅

鷄母香比醑醑酷味較葡萄厚嶺南客所遺泰西製不苟法

異麴醞釀質匪穠極洩瓊漿菱根煎玉瓢椰子剖滴以沈檀

槽貯之瑠璃瓶鬼奴助輝薪倭女笑獻鏗勸客意殷勤彈指

語譁卸

鬼子婦女以玻璃盞酌酒獻客  
客飲乾以指卸盞作聲爲樂

貿易裝估舶捆載集

沙堰艇眊次紛陳竇帳輪雜蹂躪海島諸番中和蘭通最後遙

目深作坳，鬘髮細分，縉頤偉骨，專車拳捷，迹同丸。其餘種類繁悉，皆形貌醜重，洋驚湍奔，十塵囂塵，湫遠物固不貴。風味亦足取我生，歎望洋跼蹐，慙伏牖，未食海上桃，但飽園中韭。非分幸獲，叨爛醉不覺，狂華筵燭，見跋歸路，巷巡擲賭韻謝題餠。席上限制道古堂鬼子餠韻余媿不能數典，窘見肘，嚴子今孝先腹笥無不有。昨自百粵歸，別已五年，久珍重餉，雙瓶斟酌盈一斗，封裏縣兜羅籤題字，蝌蚪哪時語，費猜利哥名，其扣。哪時利哥皆其酒名尙帶海氣腥，定是佛水滄甘者，柔如飴，醉者醜於醜，圍鑪飲犯卯，乞漿占在酉，異味不期并嘉惠，無功受喜驗，指頻動，不惜肝欲嘔，作歌貽兩君，報媿乏瓊玖。

洪武船符

并序

黃麻織成高九寸，長尺八寸，雲龍爲闌前，織皇帝聖

旨公差人員經過驛分持此符驗方許應付船隻如無此符擅便給驛各驛官吏不行執法循情應付者俱各治以重罪宜令準此中織一船張帆而行後織洪武二十六年月日上蓋制誥之寶其旁墨書信字貳伯叁拾玖號按大明會典洪武三十六年定凡在內公差係軍情重務及奉旨差遣給驛者赴內府關領符驗其給發各王府及各省都司布政司有十道六道五道不等如有軍務以多槳快船飛報自嘉靖三十七年改設內外勘合符驗遂不復用明史輿服志言其制上織船馬之狀起馬者用馬字號起船者用水字號起雙馬達字號起單馬通字號起站船信字號則此起站船符驗也今爲湯雨生參戎所藏徵

同人作詩

雲螭尺幅四圍蟠  
璽印芝泥壓尾丹  
行澤用如龍製節  
渡河呼到兕名官  
蒼兕主舟楫官名見史記集解  
織成舟楫符堪驗  
額定了夫力豈殫  
太息後來輕改易  
紛紛駕帖出長安

題仲耘輯詩圖

西冷風雅百年乖  
十子才華亦等儕  
埽盡浮辭歸正始  
論功第一是西厓

漫將書法掩詩名  
學士篇章冰雪清  
經史傳家留別集  
文人從此莫相輕  
外伯祖諫庵先生著史記志疑外祖決庵先生著左通並能詩有集

君家祭酒承平調  
神味居然逼杜陵  
不似中州何李輩  
描頭畫角自矜能  
翁覃溪先生謂殺人祭酒詩最深於杜非貌似也

曾從未座仰靈光  
八十詞仙髮未蒼  
老去文通才不盡  
吟壇



猶自氣飛揚

仲雅先生自湘潭解組歸東軒詩社推爲祭酒

燕語蛩聲亦性情潛圍妙語本天成眞州作牧揚州死可惜

恩恩過一生

春氣漸深宜燕語秋心先得是蛩聲琴塢論詩句也

青湖朱老有薪傳格調先教僞體刪放浪江湖悲短李西齋

將面目認廬山

### 漢健仔飛燕玉印

秦璽投地螭角缺西京宮殿劫灰滅此印完好留人閒不隨

玉匣埋深穴印方徑寸鈕刻鳧價抵照乘光明珠號曰健仔

妾氏趙蛛絲篆古精難摹昭臺廢死增城退姊弟入宮並媵

貴同時拜寵比列侯青綬縮來誰所佩或言篆作飛鳥形印文

趙字鳥篆身輕想見容伶俗卽姓寓名大纖巧此語無乃爲丹青

河閒蕙鬱有佳氣拳夫人亦皋狼裔姓名位號又復同移屬

鉤弋庶無媿從來婦怨皆無終武皇遠慮真英雄末孫昏懦  
那得比齒冷耿育言非公摩挲幾徧慨千古一印區區何足  
數禍水誰知易溺人漢家响雉唐鸚武

漢曲成侯蟲達玉印

蟲將軍氣如虎龍門之史姓爲蠱證以廣韻知傳譌或者通  
借字從古今觀此印疑始申食邑未署封號新初封曲成改  
封掖小司馬亦爲調人蘭臺勅銘獨闕傳顏籀位次達居殿  
士衡作頌并黜之不知優劣從何見嗚呼韓彭蒞醢皆不終  
將軍亦是可憐蟲再傳已遭鬼薪辱區區留此一方玉

諸

鎮

字德遠號菊脛錢塘人嘉慶丙子舉人

實錄

杭郡詩三輯菊脛丙子舉于鄉丁丑取贖錄以

告成議敘縣令歷在粵東乳源龍門花縣守瓊高二州

兩浙輶軒續錄

卷二十八

諸錄

吳庚

三

豐樂亭懷古

五代紛爭振鼓鞞秋原禾黍半淒迷牛宮夜月驚颺竄雉堞  
朝煙病馬嘶一自黃袍綬夏服全銷金甲鑄春犁百年功德  
涵濡久往事難尋故老稽

翼然亭子峙巖阿選勝州南策杖過太守風流高北宋門生  
碑碣記東坡鳥噉花放嬉春永土厚泉甘毓秀多食德飲和  
民氣樂屢豐譜出太平歌

南沙河曉行

倚壁殘燈影尙紅登車何事太恩恩夢魂搖曳微眠後詩思  
沈酣薄醉中十里沙隄驢背月五更驛路馬蹏風往來一樣  
郵程苦畢竟歸家又不同

吳庚

字儵薪一字硯耘號西園錦  
子錢塘人嘉慶丙子舉人

抗郡詩三輯鄒仲虎明經懷西園詩云孤月懸秋空  
星無餘輝蒼鷹下寒天鳥皆倦飛何不學江海  
從之歸其推許如此

鍛詩

鍛詩未就漫重論抱膝推敲斧鑿痕自寫胸襟成白戰閒消  
鐙火幾黃昏有時佳句無心得到處游蹤紀事存斗室一編  
容嘯傲苦吟茶熟更香溫

魏彭年

字昌齡號倉伯仁和人嘉慶丙子舉人官湖州訓導

揚振錫曰嘉慶癸酉杭垣創立宗文義塾以教以膳化導吳著成效迨倉伯先生董厥事督課生徒不稍寬假

二十餘年造就益盛

交道曉行

郵亭昨夜雨瀟瀟曉起欣看野色饒淺水分流穿嶺腳層雲  
帶溼鎖峯腰幾家隔岸炊煙羃小市當風酒旆飄踏磴不須

愁路滑菜畦麥隴客情消

董

鏞字薇雪仁和人嘉慶丙子舉人著味梅吟草

金咸序略吾師薇雪先生少穎悟年十五游庠十九登賢書詩古文辭無所不能書則入右軍之室乃屢試春闈迄未得志四方遊幕為餬口計卒年三十有三烏虜悲已

洪武寶鈔歌

家鈔長一尺廣六寸紙質相厚色黯如灰摺處朽裂欲斷上刊大明通行寶鈔六字中有一貫二字並圖錢形下戶部印一並註偽造者斬告捕者賞銀二百五十兩旁列年月畫龍四周上有部印二背亦有部印一錢形如之考之載籍審其形制真當時故物也因

作歌以紀之

洪武八年春三月詔中書省立鈔法監造初設提舉司後歸

戶部成令甲鈔形修闊紙素堅農印中押龍四旋尺楮頒行

遍天下準銀一兩錢一千初造鈔自一貫至百文凡六等每貫準錢一千銀一兩後又造小鈔

自十文至五十文有差此有商賈懋遷尙便捷紫標黃標此一貫二字蓋鈔之最大者

其匹官家稅課亦兼收錢什之三鈔什七

稅課錢鈔兼收惟百文以下止用錢

先是私鑄充官輸責民出銅如責逋

帝初卽位鑄洪武通寶錢嚴私錢之禁尋又令

私錢作爲廢銅送官有司責民出銅至毀器物以輸民甚苦之

國法一變用楮幣飛轉輕疾

逾青蚨君不見乖崕治宋興質劑置交子務襲其例後來軍

餉苦不支行之於邊乃大弊又不見元世祖問劉文貞用陽

用陰權重輕法錢不立立紙錢無乃鬼趣非人情鍾山日出

萬山曉龍盤虎踞金陵道鯨鯢掃盡僞號除一代英雄開國

寶管子三幣不足言漢家五銖猶嫌小積之如山流如川御

府金錢原不少奈何宋元故事猶踵行愚弄黔首操奇贏經

世久遠豈無策四海之利欲以一紙爭姦民乘機或僞造得

罪何止劓刖黥畢竟厲禁所不及眞贗雜出殊縱橫延至叔

世帑藏竭泉幣日絀鈔日盈金礦銀礦肆開采貂璫四出豺

虎獐貽謀不善害由致損下益上國乃傾迄今流傳人世亦  
無謂一錢不值存其名平原好古重拂拭云是當時阿堵物  
浩劫滄桑五百年使我摩挲當銅狄

題張節母歸太君貞松孝竹圖

桃李有榮落松竹無冬春同一植根託天地乃遺顏色求精  
神精神愈老色愈古慨慷直欲千秋伸我聞此語良太息樹  
猶如此而況人太僕之裔張氏母年二十八喪其偶膝下孤  
兒未成立霜辛露酸不渝守已矣夫也隔重泉况兼堂上無  
姑舅人生世宙本枵然賴有節義立不朽拭面涕泣歸母家  
鍼頭綫腳爲生涯日惟撫子夜撫影比德於玉眞無瑕庭前  
白髮期壽康春暉日短心日長北堂護草豈不茂夫何一病  
成膏肓是時和緩謝無術欲以身代苦計拙生來孝女勝男

兒聚此血心一片熱事不得已將股割至痛入骨復何說并  
刀如霜膚如雪鋒鉞著肉肌迸裂筋骸相格臂獨伸精誠所  
注肘甯掣起作羹湯進母前只願從此延天年血痕狼藉肉  
痕膩入口不苦甘且旨豈知事過親卽聞泣然淚落溼懷裏  
謂吾何忍食汝肉云是慈烏返哺耳嗚呼兒之肉本母生還  
以母肉醫母身一嚮肉易十年壽此中呵護甯非神克家有  
子輝門第節孝兩全夫何愧展卷勿輕一幅紙中有二十餘  
年淚卽今披圖來虛堂古松勁竹森寒芒殘鐙無燄月無色  
但覺四座凜凜凝風霜

徐廷佩

字笏山  
嘉慶丙子舉人

楊振鎬日笏山爲對亭先生哲  
嗣根抵家學與吳西園庚齊名

過宋鄭虎臣斃賈似道處



野橋流水路灣環太息平章去不還擢髮焉能窮罪案拉匄  
差足聳神姦魂來深夜孤村黑血染荒郊亂草殷蛩語淒涼  
蘭若寂可能鐙火照湖山

孫仙槎

字湘若嘉興人嘉慶丙子舉人官安吉教諭

題魏英姑斷指圖

英姑錢塘人魏倉伯同年彭年女

彤史紀貞烈屈指非一端毀耳與割鼻遺芬垂不刊婉婉魏  
氏女賦質何幽嫻攻書習刺繡能博堂上歡弱齡字李門嘉  
耦稱神仙結褵期尙遠忽嗟夭所天女志素節烈父母戒勿  
宣爾時雖隱喻飲泣終無言偷生而事人曷以慰比肩輕生  
而倖死曷以奉高年輾轉費籌策大義能兩全抽刀斷其指  
血濺衣裳單長齋誓繡佛天日同鑒觀殉節復盡孝守正兼  
達權疇料抱沈痼淹淹軀命捐凶問達壻家舅姑咸悲酸婚

殤通古禮合葬完前緣

聖朝重雅化旌表例所先義夫與節婦一一貞珉鐫大府爲

陳請

天語光重泉或謂毀身體聖經懲厥愆戴記論夫死旣葬齊  
縗縗豈知忠烈事行其心所安禮本緣義起情非爲境遷女  
指雖已斷女節固已完苦志扶名教隻手迴狂瀾我展斷指  
圖遂賦斷指篇迢迢法華山松柏何丸丸勒石輝墓門清風  
激頽頽巾幗猶如此咄哉當世賢

張昌衢

字步康號堯民嘉興人嘉慶丙子舉人著春陰閣詩稿

府志昌衢至性耽學勵行幼學長于攷證著有禮記地理攷經義咫聞各若干卷又工填詞李德郊曾刊其春

陰閣詞一卷

擬陳思王名都篇

洛城高且長，雉堞遙相望。中羅王侯宅，披雲排天闥。襟帶扶  
闌闔，砥矢鋪康莊。走馬者誰子，麗服何焜煌。雙鞬插僕姑，干  
金佩干將。校獵南山下，馬後指兔罾。歸來召眾賓，高宴開中  
堂。清飲何要眇，作使邯鄲倡。芳樽傾醪醑，寒臙溢圓方。主稱  
醉累月，賓言進千觴。但知豪華樂，何來遲暮傷。願如金石固，  
爲歡常未央。

秋夜懷李秀才

懷人不能寐，趁月坐前楹。草際露光泫，孤鶴時一鳴。之子久  
睽隔，坐使離緒盈。何當瑤華來，慰我飢渴情。

訪顧亭林故居

直使風從百世聞，人閒富貴等浮雲。范滂岸嶽辭賢母，左徹  
弓衣哭故君。書到公卿徵舊史，字收金石富奇文。荒祠遺像

清高在一掬寒泉薦夕曛

魏行湜

字慕泉號半石嘉善人嘉慶丙子舉人官義烏教諭

黃州館詩話半石承其家學刻苦讀書凡先世遺集日刻未刻一一搜羅手自校勘藏弄於家性情慷慨篤于倫紀人僅以幹濟才目之未知其全也

訪泉南十柳田家不值

我友周花農卓犖不羣士生平誰最欽  
難兄紀珠里瀟灑出塵姿  
富貴浮雲視徜徉峯泖閒十年深  
仰止薜蘿歐碧齋傾蓋成知己示我紀遊詩  
其神清秋水直追魏晉風唐宋何足擬  
詩本繪性情胸懷曠如此別易良會難  
悠悠思未已爰駕魚麥舟雙槳迅如駛  
幽居水一方柳色參差是門無車馬喧  
塵囂遠城市直上君子堂問禽來稚子  
先生采藥去山巔或水埃邀我至書齋  
堆案雜圖史啟窗望阡陌良苗懷新起田

歌來四野天籟非鄙俚靜觀物自得勞勞何爲爾不見山中  
人已悟山中理興盡理歸棹深情寄蘭芷

方

坳字思臧號子春又號朔夫平湖人嘉慶丙

顧廣譽傳略先生爲詩學唐王孟諸家而折衷於淵明  
子美兼治古文訓詁後遂篤志程朱之學粹然一出于  
道嘗臥病兩月枯槁憔悴中恍覺天理呈露乃呼子金  
彪取程子易傳朗誦之已據牀以聽由是程課學易洞  
明其理以旁通於諸經無不合者深痛近世學術之弊  
謂幸生程朱後而讀其遺書但默識而身體之足矣不  
當妄立異議欲作學準一書以示後世會病歿不果著  
有生齋自知錄三卷生齋日識二卷讀易日識六卷文  
集八卷次

春燕篇

江南草綠東風軟樓閣參差夕陽滿紫燕雙雙去復來游絲  
百尺飛花亂凝情含睇入誰家繡戶銀鉤捲幔斜幾度徘徊  
辭故國經年辛苦客天涯雲塗浩浩違江甸萬里金城復相

見翠尾飄蕭雨雪寒烏衣顛顛風塵倦呢喃絮語繞回廊桂  
檻蘭楹日漸長覓主重尋扶荔觀銜泥願上鬱金堂梨院森  
沈罷歌舞翠恩十二環朱戶屏山曲曲繡簾垂隔得差池一  
雙羽顧影翻然出綺幃芳華零落念將歸新巢鳳閣應難並  
舊侶嚶鳴好其飛金塘水碧天將暮穠李夭桃香滿樹不惜  
深閨斷往還自憐弱質經霜露回首江南景物非蘆煙菰雪  
夢依稀君家華屋春多少明歲花開借一枝

移居南郭諸同人以次枉過別後書寄

久厭城市喧南田遂幽築水石循舊基榛蕪喜新斲開軒面  
廣池當戶羅羣木清暉聊自娛匪云擬邁軸秋氣入孤吟蕭  
寥澹游目風林無靜柯水蘚有寒綠含悽弄素琴寫心緬芳  
躡庶幾求羊蹤來就愚公谷

經旬不出戶散帙吟清風美人駕輕楫就我田園中霜螯佐  
杯酌雨葉分葵菘談諧既已暢撫景情彌濃翻思遠遊日契  
闊徂春冬燕月攢征轡江花點孤篷閑居願莫遂芳訊豈時  
通幸茲衡門下素心復相從拳蘿慰飢渴步履期從容無爲  
促歸棹分手各西東

槭槭庭前梧濛濛池上雨感歎及蕭辰同心沉離阻載酒思  
舊歡握蘭抱孤緒湖海淹奇蹤風霜改寒序瑟居良寡歡商  
聲滿庭戶藤蘿翳夕陰蒲葦蕩清渚步欄自周流飛鳥相與  
語顧物勞所思殷勤訴危柱

出門

惘惘出門去辭家多苦辛高堂餘白髮遠道過青春日煖長  
橋柳風清繡陌塵南田花正好應憶采蘭人

清明出遊

燕臺三月春風暄天桃穠李爭含妍清明時節雨初霽芳草  
綠徧東西阡誰家攜榼上邱隴出城車馬紛駢闐紙灰爛漫  
作胡蝶片片高下隨風旋我心對此忽淒惻道旁躑躅空年  
年黃塵眯眼不歸去故山喬木今參天崔涇橋南花十里我  
家聚族居其閒先人墳墓左右列茅屋向背臨清漣每逢寒  
食艤輕楫桑葉沃若桃花殷鯊魚上岸尾潑潑布穀嘯樹聲  
闕闕墓旁灑掃奠漿酒老者扶杖兒差肩田家風味尙清樸  
瓦盆對酌心陶然自從負篋上京國六年不到城南田黃鸝  
覩晚柳陰密想見春色浮郊原天涯節序感霜露那得篋筮  
羞蘋蘩近聞積水淹廬舍飢鳥啞啞荒菅吾母一棺猶淺  
土魂魄未得安重泉昨宵髣髴入我夢憔悴猶似平生顏青



鏡相對默無語但餘清淚流潸潸吾身漂轉日已久思覓升  
斗供盤餐金門來往不得志老父六十今華顛男兒要在潔  
白養豈必列鼎誇芳鮮誓將歸築數椽屋柘湖之曲清溪灣  
柴門欲與丙舍近長日但似沙鷗閒筍芽短短酒三白花下  
起舞承親歡人生萬事故鄉好俯仰自得隨天緣何須局促  
受羈紲且當嘯傲凌雲煙長歌回首日西落日極千里東南  
山

野眺

疎林茅屋動炊煙早稻初花香滿田柔艸啞啞答人語一湖  
秋水賣菱船

雨歇平皋野水渾幾家深閉竹開門秋桑未落薑芽白斜日  
烏鴉唳過村

聞馮柳東

登府

乞休歸里

半年暫酌桃溪月千里俄歸長水居幸免折腰爲俗吏徑思  
高枕臥衡廬竹垞秋老閒移艇梅里花深伴著書誰識故人  
容鬢改歲寒依舊上征車

高一

諤號益庵平湖人嘉慶丙子舉人著益庵遺詩

縣志一諤天才亮特與方垞徐士芬齊名學使任廷珍亟賞之

秋思

落木哀鴻總愴神那堪送遠復懷人十年故國他鄉夢萬里  
天涯一劍身竹葉倒樽愁落日茱萸插鬢近蕭辰杜陵詩句  
安仁賦棖觸秋心強效顰

古硯

一片端溪石疑分海嶽形微凹多聚墨淨洗欲浮星款憶冰

臺製生猶玉帶銘松花遺世澤鸚鵡眼常青

家藏先世賜硯二俱松

花江石有銘

張汝舟

字雲肪平湖人嘉慶丙子舉人

煙雨樓晚眺

十里瀉湖淡蕩空登樓長嘯起天風煙開塔影凌清漢雨霽  
波光入綺櫳隱約颿懸秋色外微茫鳥度夕陽中釣鼈磯畔  
菱花滿但聽漁歌唱晚風

俞鴻漸

字儀伯號劍華德清人嘉慶丙子舉人著印雪廬詩鈔

府志鴻漸詩沈沈雄博厚爲世所稱性沈默重然諾雖寒  
士能急人之急嘗至邑中有拜於路者驚問誰何其人  
曰吾潘某也微君則長安餓殍矣乃始憶其事

秦淮烈女篇

并序

女幼爲父母鬻於娼家年十七假母日撻楚卒不污

投秦淮河死當事者初亦擬爲昭雪已而仍以失足墮水定讞責假母掩埋而已嗚呼女其遂泯泯於九原乎余時客金陵無從訪其姓氏聊爲此篇俾後之人知秦淮河畔有此貞魂也

蓮花生淤泥不改顏色鮮烈女墮風塵節操貞愈堅解金陵

貧家女亭亭當戶織誰將閨中花移向青樓植解青樓八九

重斜連紅板橋屏風染猩色繡纒懸鮫綃解道是錢樹子乘

性乃貞絕女面嬌如花女心堅如鐵解非不御鉛華恥作時

世妝非不樂唱隨恥作夜度娘解朝亦捶楚之暮亦捶楚之

狼藉那堪說走告爺娘知解生我不我憐腹我不我顧驅之

倚市門艱貞復誰訴解六朝小妹蔣解子文妹爲賊所逼攜二

祠勝國夫人翁解黃文貞公夫人翁氏亦攜解各各攜二女乘雲

南唐書評贊卷之二十七 俞鴻漸

駕回風

八

解女且從之遊女且隨之嬉表揚潛德光何必藉俗

吏

九

解我無風化權而有筆一枝手披煙花記心寫冰雪姿

任氏三節詩

并序

句曲任尚信妻劉氏守節撫孤二子明睿均早卒明

妻王氏亦以節著睿聘胡氏未婚聞夫訃即日自經

後園棗樹下族人任愚溪爲徵三節詩

食蓼不知辛食荼不知苦誰能勵此一片心留得芳暉照萬

古吁嗟乎豈無祆廟火不然旣死灰豈無鳩鳥飛不近懷清

臺君不見一家三節高崔巍

一

解節母誰姓劉氏守節撫孤二

十年波瀾不起古井水大兒娶婦淑且貞小兒絲蘿新締盟

昔時寡鵲結哀響爾日雛鳳揚清聲云何珠樹忽雙折萱花

堂上悲風生人閒此境難爲情

二

解哀哉母賢哉婦春暉猶在

堂忍令寸草負何況泉下人未續中郎後淚如縷靡徒爾爲  
一言請爲阿母剖矢死兒有心禦貧兒有手有心可以歷冰  
霜有手可以操井臼有子無子姑勿歎萊衣代著承姑歡獨  
見其大人所難解三夕膳晨羞奉姑白頭是姑是婦俱千秋豈  
知更有仲子婦閨中奇節人難侔當其聞訃初雙淚潸然流  
上堂告阿母大義矢柏舟阿母不肯許掩泣還妝樓後園侵  
曉人不到棗花已落濃陰稠香羅三尺繫樹杪蛻身竟作黃  
泉遊黃泉遊一何速薄命花女貞木解四方今

天子重貞烈門前綽楔墓前碣何況三節萃一家生生死死  
無纖瑕鬱鬱澗底松豈屑凡草比矯矯女中師會當旌其里  
願爲黃鵠歌以俟采風使解五

馮節婦詩

并序

婦陳氏蘇州吳江縣人年十八適馮瑤琛事姑以孝聞八年而夫亡守節撫孤二十年嘉慶十七年旌

高松百尺枝古井一泓水雪壓枝愈榮風定波不起何年化

作節婦心留得芳徽照青史

解一

借問節婦誰乃在吳門西十

齡習女紅鍼帖手自攜十八適所天循禮無勃僉旁人嘖嘖

羨嘉耦謂宜百歲眉常齊

解二

人壽幾何如風吹燭彈指八年

夫登鬼錄已斷連理枝安用孤生竹從夫一死自吾分經旬

竟辟留侯穀

節婦夫亡後絕食者十有七日

三解婦志一何決姑語一何婉

珠樹忽然折阿母腸已斷忍看膝下孫復泣春暉短與其脫

身歸重泉何若留伴姑暮年爲姑強飯如從前揆之大義何

其賢

解四

典我聘時釵鬢我嫁時裳亦能集于蓼百苦拌親嘗

事姑姑令終教子子秀發迢迢二十年苦節不可沒僉曰作

詩陳

魏闕

五煌煌

丹詔天上至矣  
峩峩綽楔門前樹矣  
噫嘻石有時而泐  
山有時而頽  
惟此節婦節終古常  
崔嵬君不見史遷大書懷清臺

六解

祝義士行

并序

義士名淵號月隱鹽官人思陵朝以孝廉上疏劾周

延儒請留劉忠介公

宗周

忤旨停試隨忠介歸遂受

業焉明年部覆上延儒私人激帝怒遣緹騎逮問究

主使獄未竟遭甲申之變公自獄中出遂南歸福王

立公詣南都請就獄忠介上疏論前事有劉某忠臣

祝某義士之旨立予釋復登用無何南都陷公聞難



痛哭即日投纆卒事見明史忠介及公戚吳忠節公

麟徵

兩傳忠介門人輝仲升與公交最深公沒後挈

其子南田展公墓并題七言律二首七世從孫六皆

先生裝潢成軸屬余題詩

祝義士讀書不慕青與紫沒後有友弔孤忠生前爲師歷九

死偉哉祝義士

一解

昔在思陵姦人枋國如當道豺如舍沙蜮

水火爭私讐無排用全力可惜老成人一朝罷其職公時短

衣燕市遊上疏請斬時宰頭天子震怒朋輩愁銀鏑擲地寒

颼颼嗚呼一命公其休

二解

大獄未及興燧火日以急都城不

守門晝開殺氣昏昏萬蹶入爾時姦謀羣小戢脫身且負從

師笈

三解

半壁金陵重開殘局先帝罪人迢迢就獄詔曰義士

當褒錄王氣已盡誰能延夜深清淚彈銅仙故宮荆棘生秋

煙公亦撒手升青天

四解

一腔血三尺墳蕭蕭宰樹黯黯斜曛

誰歎來奠一杯酒白頭尙贖生前友題詩墓門字大如斗爲

哀猿嘯爲老蛟吼

五解

滄桑容易遷百年等過鳥休問墓中人

祭墓人亦杳維有悲風獵獵捲秋草我讀祭墓詩感慨何其

多夜深月黑雲旗過聽我擊節成悲歌

六解

題陳恭潔公

良謨

絕筆後

共三十七字云食君之祿國亡與亡良謨抱病日久  
生旣不能手刃李賊死當爲厲鬼以殺之三月十九  
日絕筆庚寅閏四月晤鄞縣張鐵峯孝廉出以相示

敬題

殺賊生不能爲鬼死猶厲堂堂睢陽公大節問誰繼公也筮  
仕思陵朝亦復扈運陽九遭國亡臣與俱亡耳食君之祿將

焉逃嗚呼臣病抱已久揮戈難奮魯陽手眼看蟻賊滿長安  
中夜撫膺呼負負國事已至此臣命復何有三十七字和淚  
書筆端疑有老蛟吼我昔讀史心慕公今觀絕筆尤忡忡有  
明傳祚三百載亡國不與前朝同懷宗捐軀殉社稷探懷猶  
賸數行墨朕屍可裂民毋殘千載聞之爲太息公騎箕尾歸  
仙班亦有遺墨留人閒雲旗倘與故主遇想見血淚同漣漣  
獨念吾鄉勵名節忠介凌公最激烈祇惜孤臣報父書僅聞  
故老掀髯說吾鄉凌忠介公將死報其父書曰盡忠卽所以  
盡孝男視死如歸云云共七十五字鄉前輩詩  
集中多載之何幸公所遺至今未磨滅紙背力透平原書心頭碧  
聚萇宏血爲語主人藏宜珍君不見明社當沈淪幾輩欠致  
臨危身名高山斗竟何益齒冷徒供笑褚人

嚴節婦詩

并序

節婦姓陳氏年十八歸驥村嚴維鶴閱九年生子希  
涑甫踰月而夫病不起婦絕粒求死時祖姑年八十  
九姑年六十一父母以大義婉諭之遂復食年五十  
八鄰里循例請旌婦知之瞿然曰世有零丁寒餓  
而執節不渝者洵可風也我家尚溫飽此常事耳何  
旌之有聞者矧之卒年七十六與維鶴合葬道場山  
之小隴

祖姑八旬姑六旬豈容定省虛無人  
有子呱呱甫逾月更防  
世澤從此竭此大事也何敢輕夫死  
不殉非貪生此常事也  
何足旌夫死不嫁非邀名道場山之  
陽巋然新塋成我爲作  
詩表幽貞高臺竊比書懷清

題黃鴻臚樹齋先生

爵滋

奏稿後四律

蠶尾憑教謗鄭僑毅然一疏抗中朝腐腸欲洗人閒藥開口  
甘爲殿上椒解腕壯夫懲手螫徙薪上客怕頭焦重煩

聖主殷勤意

丹詔親頒問百僚

花開旌節拜

恩深流弊何緣直至今幾輩飢腸食烏喙多年虛牝擲黃金  
但教搏兔能全力未必飛鴉昧好音寄語羣公休異議此中  
亦自有棠陰

況復重洋萬里賒姦民鬼蜮近來加關門縱謹萊公鑰島嶼  
仍通博望槎破浪時聞龍戶集挂風孰禁鯨帆斜度支贏絀  
尤當念豈止憂貧百姓家

馭如東溼劇嫌苛奈此蒼生鳩毒何日用謀將先菽粟殺機

慘更甚干戈仁心自閔離  
豈雉厲禁能全赴火蛾  
曾讀漢書  
崔寔傳一篇政論活人多

魏

盈

字謙谷慈谿人嘉慶丙子舉人  
有錢塘教諭著對山草堂詩稿

蔡烈婦

蘭谿人夫亡吞金以殉  
沈秋河廣文爲徵詩

陡地罡風碎雁箏  
海天萬劫慘無情  
結縉已定終身託  
斷髮難渝舊日盟  
藏淚三年留碧在  
鍊心一片斷金成  
安排含飯相從決  
隱隱猶聞下咽聲

鄭際良

字初民一字巨木號少梅  
慈谿人嘉慶丙子舉人

舟中卽事

小艇依林日未斜  
綠陰圍合幾人家  
牧童晝靜眠芳草  
漁子春深網落花  
白鳥閒隨孤棹轉  
青山時被短篷遮  
風波穩處神仙窟  
何事張鷟八月槎

徐望璋

字達珍麗水人嘉慶丙子舉人官武義教諭著芸亭詩鈔

縣志望璋家貧嗜學無力購書館碧湖湯氏湯故多書雪鈔露纂無虛暑詩古文詞皆入古入室主講連城書院十餘年出其門者皆有師範任武義教諭際已愛士嘗誦明人學道終身只學貧句語門人曰貧豈待學學者乃能貧耳

畚民

衣斑爛履苴蘆薪擔壓肩走風雨覆髻筠筒綴石珠自稱槩  
瓠我之祖面目瘠且黧鉤駟獠語何支離名稱更可怪呼畚  
作畚終無稽耕不療飢歎歲仍振災休問官倉陳麻布單衣  
著兩層朔風吹壁寒欲冰熱來茅草蓬蓬火促膝團坐温如  
春

南明山

在縣南三里有幽光亭獻花巖諸勝最上石壁多宋人題字

巖隈寒溜瀉濺濺真覺清音勝管絃亭外溼煙含雨重潭邊

空翠上衣鮮題名況有楊甫仲覓句須推李謫仙便擬臨流  
拌一醉開樽正得酒如泉

訪秦淮海監酒稅處

在郡治姜山山前爲酒稅局  
秦觀謫監州酒稅時居此

春鳩何處綠楊村蔓草荒煙溯屐痕才子風流誇小石黨人  
姓氏麗蘇門鵲唳橋上悲新法蝸篆碑頭認故墩翹首南園  
問遺址愧無佳句奠詩魂

張

慧

字紀水號梅叔鄞人嘉慶  
丙子副貢官青田訓導

沈珠篇爲王淑姑賦

淑姑臨海王昌熙女許字象山都  
司李莊之子文煒李金陵人其家

不知又聘於吉幾致訟莊請於兩家願借娶以齒敘  
若姊妹行吉諾王之父亦諾而其母不肯還聘物  
願獨缺二金環女知書聞變乞叔母及姊媿母  
執不從女題壁云我生不怨妾薄命我生不合賦至  
性遂投井死出其尸左右手金環爛然於  
是以喪歸李氏而旌其門文煒後徙於鄞

我生不怨妾薄命我生不合賦至性金瓠赤灼一寸心銀牀



秋寒白日陰古井有時竭明月有時缺沈珠燭天夜不滅

倪

禮

號甘源長興人嘉慶丙子順天副貢廣東候補知府署藝香詩草

孫德祖日君初任合浦令凡調陽江東莞臨高海陽四縣署長樂陸豐甯潮陽順德令遷嘉應直牧以捐餉敘知府署高州守所至有政績粵東爲繁富地君歷任劇邑蹟牧守任官三十餘年身後宦橐蕭然家屬至久羈海外不能具歸裝其清操可見也同治中修縣志以採訪未及遺之君孫繼寬光緒初始告貸旋里余得其家傳爲補作志傳文多不具錄

題韓坦甫年丈垂釣圖小照

桃漲春渠柳映隄鯉魚風好夕陽低憑君領取垂綸意不釣

磻溪釣剡溪

題蔣小榭齋使紅雪樓圖

樓爲心餘太史所築小榭卽其文孫也

結箇匡廬山外樓安排梅竹供清謳二分明月揚州路贏得

新詩傲故侯

葉道春

字曉湖錢塘歲貢官嘉興教諭

丁申日曉湖賦性肫篤行文暢達書法趙文敏吳體而微

錄韓冬郎春盡詩次韻

徘徊展卷月黃昏吟罷羅巾見淚痕一片飛花隨曲水幾聲  
嘯鳥報幽村金尊酒滿空傳令玉鼎香銷暗斷魂蜂蝶不知  
春已去夜深猶夢舊林園

李元烺

字雪江錢塘人

楊振鐫曰雪江事蹟無可考詩見清尊集中

春秋宮詞

素服郊迎事可知二陵風雨痛班師文嬴豈願歸三帥祇爲  
登臺未報施

館娃宮裏露桃新香徑花光又換春臺下臥薪臺上舞一般

良夜兩般人

錢

堃 字古坤  
仁和人

謝文節遺琴次吳素江韻

絕粒僧寮萬事非空留碧血染苔衣應龍夢斷嗟同逝化鶴  
魂消慘不飛往日降臣甘北向多年供奉早南歸隨身縱有  
殘徽在誰與掀髯奏采薇

李

勤 字香臺  
仁和人

杭郡詩三輯香臺生而醇厚穎悟好學澹于名利嘗鐫  
旃檀佛像及董文敏書金剛經塔于石立海潮寺中工  
費不足質  
衣稱之

秋日游雲居寺觀中峰禪師墨迹用陸雲士心學僧倡

和詩韻紀之

石磴盤盤上來游秋正中三門對楓嶺百雉繞花宮珍護麻

糝共留藏玉帶同莫貪缸面酒人世有蕭公

清興茶瓜洽斜陽未忍歸長廊吟眺久支徑往來稀入手孤

筇健打頭一葉飛何當離世網息影此棲依

朱長庚 字西齋海甯人

許淮祥曰西齋先生天性穎異尤篤內行母病禱天願以身代母愈而西齋卒年才弱冠里黨稱之

### 夜泊臨平道中

日暝橫塘路扁舟宿野亭山高遲吐月水闊遠飛星濁酒詩

尤壯寒宵夢易醒孤篷愁不寐相對一燈青

徐世鋼 號鈍庵嘉興詩生著通介堂稿

孫融曰鈍庵工繪事仿老蓮古佛尤為世所珍  
重家貧常慕游他鄉詩沈著悲壯其境使然也

### 冬筍

冬至一陽生君子道乃長筍為竹之胎萌隨陽氣上不待凍

雷驚龍孫出黃壤先春宜薦新餽臘互分餉含貞籀未斑抱  
璞玉生朗春水笑蘆芽秋風薄菱蔣層層透褐衣片片漉磁  
盎菜把摘龍鬚菌絲擘鵝掌同參玉版禪辛盤資供養來因  
說孟宗惟孝神爲往感物亦偶然千古令人仰

徐士偉

字恂如號春崖平湖人著一枝巢詩鈔

石澗山房詩話春崖幼穎悟年弱冠忽邁奇疾僵臥木榻者二十餘年性嗜書手不能握卷乃置高枕于前難書注視盡一葉倩人翻之久之能一目猶伏枕苦吟不已見者以東海半人比之詩筆縱橫排冪浩氣盤鬱無拘攣之態莊丁所謂其神全也

病馬行

有馬八尺骨相奇龍鬚鸞筋鐵作蹏落花驕踏新豐市逐虜  
渴飲青海水殺敵歸來血洗毛輕煙不動白日高遙空匹練  
影漠漠迴立萬馬風蕭蕭我欲仗爾驕健力掃盡征塵燕山

黑如何憔悴夾雙瞳寂寞風塵少顏色有時昂首欲長鳴誰  
向寒郊一拂拭房星落地流光芒低頭伏櫪松風涼高才捷  
足遭困頓愁絕狀貌非驕驩君不見河陽二月芳草綠金鞍  
珠勒城南曲騰驤豈盡渥注種居然顧盼超流俗馬乎善保  
千金軀自古奇才多奇厄莫效局促轅下駒

龍湫山

天半一泓清攜瓢繫我情雷霆潭底走風雨窟中鳴倚石聽  
松響談禪到月明欲尋高士迹古寺暮雲平

陸樹德

守存耕號滋田嵩高子  
烏程人著滋田詩草

激浦縣

山縣孤城似彈丸夜郎西去路漫漫自來楚俗多崇鬼不信  
苗民獨畏官婦女插花常滿鬢兒童騎馬總無鞍莫言風景

蠻鄉異明月還同故國看

登莫釐峯頂

欲上蓬萊第一洲天梯百折幾句留三州城郭棋橫布千里  
餘艸芥遠浮雲起半巖晴忽雨風來絕頂夏如秋元龍豪氣  
真堪吐不用登臨動客愁

諸

荆

號丹蘿山陰人著城  
南草堂詩鈔二卷

身鶴徵序略丹蘿深於情者也其人退然如不勝衣其  
言訥然如不出諸其口恂恂油油與之處如飲公瑾之  
醇久之而始知其味之澹且甘也借其弟樂亭奉母家  
居書畫琴酌藉以自娛而於五七字中冥心孤往造詣  
尤極精粹每登山臨水感舊懷人及悲歡離合之際低  
回往復一唱三歎纏絲悱惻之致時流露楮墨間使非  
至情過人其能一  
往情深若是耶

雲門訪王大令故宅

千四百載寺門古三十六谿流水長絕壁雲霞仍色相上方

鐘磬自齊梁地傳三國新蓮社人憶青山舊草堂曾是王郎  
吟嘯處墨池琴閣總荒涼

月夜獨酌

愴然無客至獨酌綠陰圍風細香生酒月明涼滿衣垂簾花  
氣靜敲枕笛聲微已覺秋先到銀牀一葉飛

雜詩

人生貴無好有好生憂煎倘爲一物累遂使百慮牽往來惟  
所適胸次浩浩然無絃琴亦佳有酒花更妍人皆樂其樂我  
獨仙乎仙快哉南華子但賦秋水篇

歸棹二首次笠舫送別韻

日落峭風生船頭水有聲卻看新月上照見片帆行岸草侵  
隄綠村燈隔樹明還家花正發早晚聽嘯鶯



客路多風雨新添數首詩未尋高士宅卻過孝娥祠歸思隨  
江水離情挂柳枝明朝共攜手不負故人期

三十述懷

百歲光陰復幾何恩恩三十忽經過利名心淡愁原少詩酒  
緣深福轉多院小花容隨地種書忙墨慣倩人磨浮生贏得  
無爭競終日怡然足嘯歌

夏日過曲池主人出示相思子兼惠二枚戲作此詩

子俗名  
醋鹽子

天地育萬彙陰陽成奇偶大哉造化工靈異何不有斯物來  
海州秦山山寺口產諸溪石閒對對若聚首背衍太極文兩  
儀爲一剖山僧頗解事不惜拈花手取之每贈客物細情則  
厚收藏筭篋中竟可百年久投之以醢盤羅列分左右忽焉

氣相感東西各奔走岸然直道行進止皆不苟居必位乎中  
所異則前後卻如君子交信義自相守無須養以生堅實自  
不朽兼能功於世產尼庶無咎孕婦難產持之立下非徒可觀瞻直欲  
令人壽我見海外奇狂吟把尊酒詩成出相贈再拜欣然受  
一笑天地寬疏星粲牛斗

賈

鼎字變功上虞廩貢

悼阮烈婦顧氏

皎皎牛女星千古成嘉耦結髮字君身相期同白首吁嗟命  
何衰中道喪其友未卽從君去緣君有阿母撒我耳邊環脫  
我佩中玖但願姑加餐敢惜身所有姑也旣云亾妾身爲誰  
守一朝茹痛死完璧眞無咎夜月逗空牀寒風吹破牖寄語  
鬚眉人貞心能似否

黃

治字福林太平廩貢

家傳略福林之兄壺舟因事謫戍烏魯木齊其地入秋見雪未冬已冰福林不避艱險借抵戍所素工文辭且精醫理為達官延入記室以所入俸饋佐兄資斧時林文忠公亦戍烏垣聞其行誼尤器重之壺舟生還後嘗語人曰微吾弟誰其活我耶

讀南宋諸公憂時之作感而賦此

廟廊有大猷軍國有至計此宜宰相謀何與儒生事草茅起蒿目念切邦家瘁閭寄無壯夫庸懦借嘗試烽煙迫南紀國殤及海澨勢等秦閉關謀出晉割地損威何忍言積憤將焉寄慷慨陳時艱所恨非其位字字挾風稜隱隱見涕淚不知當局者見此責奚避未能撫四夷何以謝名義晚蓋本已難素餐倍滋愧退之勵陽城裂麻揚士氣何不宏遠謨令名垂奕世

琦統帥琛招同豫催使堃雲觀察麟燕集水磨溝

車蓋相逢引興狂碧山深處共飛觴亭臺涵水心俱靜草木當風氣亦香近挹寒濤開茗椀濃分空翠蔭書牀登臨動我無窮思頗憶江南菡萏鄉

東修梅社諸友

城南舊社久榛荆韻事銷沈數百春草澤之中誰國士花山以外少詩人僅餘兩集傳雙鶴林鶴巢威鶴泉兩鄉前輩皆有集可許千鈞

繫一緡雲散風流動深慨相期大雅與扶輪

吳清鵬

字程九號西穀錫嶼子錢塘人嘉慶丁丑一甲三名進士官順天府丞著笏庵詩鈔

抗郡詩三輯西穀為祭酒幼子吟詠豪於諸兄丙子登賢書聯捷以第三人及第旋入諫垣擢府丞清風素節照耀一時謝病歸寓邢上主講安定書院一門唱和樂備天倫尤重鄉誼凡故舊姻婭過邗者必流連筋詠鍾駿聲曰西穀先生遇翔鄉寺下直後閉門卻掃有如枯禪詩宗楊誠齋各體皆臻妙境子尤愛其七律能於

聲律中選

瘦硬之氣

緝雅堂詩話西穀先生先王父丁丑同年生也王堂清  
暇與許丈乃廣郎丈葆辰補丈曰惜陸丈堯春朱丈階  
吉閑丈受昌過從至密斜街踏月野寺看花分韻題詩  
菱筒駱驛惟性特高簡以干謁爲恥朋舊往還之隙焚  
香展卷不接一人曾記先王父贈詩云久飲香名在上  
京門才家學更誰并兩行官燭攤書讀戶外落花車轍  
平可以想其高致矣錄中惟閱朱二丈無詩  
搜采亦不得并記姓名于此以志慨慕云

送左生

宗棠

下第還長沙

湘沅東合江洞庭北來抱長沙鬱其閒秀出諸郡表古來此  
才藪風流盛文藻左生後時彥射策頗年少書從倚相讀文  
解屈賈弔我欲探明月出海看一照惜彼濁水源渾渾失中  
道別來今二年子學應更飽昨於眾客座初歎一語妙徐爲  
開其流沛若海勢浩百家已泛涉輿地最精討行窮南國紀  
擬作西域攷我覺子所學根據甚精要若人貢玉堂色可壯

蓬島胡爲又一蹶久溷困樞阜功名亦何物能使人涕笑樂  
生始辱魏蘇子終顯趙屈伸賦命定初不受我造哲人守不  
惑達士戒無擾洛塵化素衣漢水候歸權噉鴟竹娟娟飲猿  
羅裊裊莫愁青草湖好上黃陵廟鄧子吾故人謂湘皋可共  
寄清嘯閒過秋聲館更訪歐陽老謂淵東先生

答人問詩何以可傳

建安而後幾成名我自難言子勉行須是古人無此語仍於  
後世有同情當時更復何書讀作者都如並世生且向春風  
閒領取花非昔態鳥今聲

友感

篋中有匹布將以遺所思言雖未出口意固與之期天寒日  
以深我心日以移不與我友單與之我無衣許而不能舍何

似不許爲永慚延陵劍有負范叔綈

東平州

東國旱太甚焦原無寸毛千里驅車來但見蓬與蒿東平更  
蕭索空閉城關高州人避歲出十戶九亡逃道旁數老婦白  
髮風蕭騷亦知死不遠未絕猶呼號羣兒體無衣索食聲嗷  
嗷三五遮道哭左右攀車牢濟汝非我能念之徒煎熬日暮  
行人稀死聲滿坑壕

八月十三日

經筵恭紀二十四韻

義錄延釐日

軒廷訪道年五雲扶

法駕八月展

經筵玉宇秋澄靄銀河曙拂煙文昌承斗極華蓋近奎躔蓬  
島

鑿與迴娜嬛禁宇仙緒風隨採仗流水協清絃松古香飄座  
莎長綠映編

清虛存目想

恭默企心傳憶昨

堯咨切方春

禹拜先坐深花落幔語久日移甄清切垂

明訓愚蒙沐

化甄禮行今視昔學在

聖希天

睿智超羣表

兩浙輜軒續錄

卷二十八

吳清鵬

畫

明



聰明澈道元萬言觀火若一理渙冰然毫髮無遺矣

高深孰測焉

冲懷逾穆穆

清問益拳拳禮重桓榮老

恩嘉張說賢晶鹽思旨味玉杖答周旋侍從皆蒙寵微班亦  
備員宮茶浮碧乳禁果散紅鮮

賜出榮金椀擎歸豔錦韞塗歌紛跂羨士氣激騰騫  
文德今無外詞臣合有篇煌煌周雅頌簪筆愧雕鐫

送鄧湘臯

顯鶴

孝廉還楚

謝公忽罷鎮明月空揚州眾客已紛散今君難獨留苑荒隋  
柳盡江遠楚萍流吾亦浙西往天長雲亂浮

簡魏默深

源

孝廉

時默深取漢魏以來詩作詩做一卷公余核定

且停眾說聽吾說一笑應爲眾解頤履武不疑生子事重華  
偏信娶妻詩平生嬾作千家註公等宜須十日思若問凱風  
何不怨試看雲漢豈無遺

讀漁洋集戲題

長白山頭感神女小黃園裏弔昭靈秦祠漢冢知多少動費  
先生屑涕零

定海再陷聞居民出避海島無從賊者

誓死無從賊逃生再避兵兩番經殺戮大義必分明應傍田  
橫島多依徐福城相攜可相活叵測恨狂鯨

金陵告警

潤州未散賊如麻直犯金陵又可嗟白下城頭旛欲出黃天  
蕩口鼓誰搥江流有恨偏朝海鷗羽無棲亂噪鴉南北不堪

中梗絕此憂豈獨爲思家

不屈

同時罵賊一人無只有錢生不屈汗魯國靈光存此郡常山  
齒舌見眞儒骨拋斷砌風鳴慘魂返空庭月弔孤猶想亂刀  
爭斫處髮衝上指大聲呼

無愧

特科

詔舉重朝端四字能全古所難名以孝廉猶可盡品兼方正  
始稱完三人大節皆無愧三人同舉孝廉方正阮被邗水他  
年定不刊更有明倫堂上士一時力共折狂瀾

許乃賡

字念颺號藕舡仁和人嘉興  
丁丑進士官右春坊右庶子

杭郡詩續輯藕舡入翰林充  
國史館提調

國史大臣傳垂二百年條例未能畫一獨肩其任得書三百八十餘卷今入史歲者嘉慶以前皆其手定奉諱歸里屏絕人事大吏延主數文講席一再敦迫始就服闋後以母老乞養逾年無疾而卒年五十九性質直寡言遇事不辭其難不可下以私人以是重之平居喜閱近思錄頗耽性理之學閒亦發爲吟詠而落筆輒匿其稿故傳者絕少

曉泊桑園

泊舟臨大隄與客縱遐步秋草淒以綠彎環見村路瓠葉何  
幡幡欲采不可渡沿隄多桔槔井汲紛如注中有官家田灌  
輸足征賦平原景物殊行人屢回顧層波盪餘霞落日片帆  
住水鳥背人飛鉤輶響深樹

秋夜宿證齋酬諸同人

暮雨颯然至涼陰秋有聲酒深知病減鐙定得詩清別館客  
初臥遠鐘天欲明蟲吟殊未已鄉夢迴難成

浦曰楷

字又培嘉善人嘉慶丁丑進士官山東萊陽知縣署晴蘭書屋詩稿

府志曰楷讀書過目成誦漢魏六朝文若夙習然由庶常改萊陽知縣清積案嚴保甲初設書院會大旱禱雨輒應麥有雙歧舉卓異調滕縣猾吏飲迹又修上宮館肖孟子像其中吏治儒雅政聲卓著有自怡齋文集

壽萱集題辭

舊是甘棠地還欣五馬來娛親殊捧檄得句補循陔北陸回

陽律南山晉壽杯煦春知愛日應有早梅開

吾德涵

原名德甯字笏山號芝石海鹽人嘉慶丁丑進士官江西北進賢知縣

縣志德涵用刑部主事改授進賢令多所設施時銀價貴鄰縣徵收錢糧輒議加增德涵恐病民持不可又修築蘆溪塘以免水患民甚賴之遭父喪築廬墓旁以申哀慕服竟闢為管山草廬雜蒔花木與二三知己醵詠其中書法精妙一時碑版皆出其手

上元日泉南山人過訪惜分齋適余赴秀水不值賦詩

代訊

寄奴城下泊吳舡聞說山人兩度經柳岸未消殘臘雪草堂  
猶照少微星舟歸圓泖三條碧家傍高峯九點青  
誰共話相思我欲訪元亭

吳曾貫

字澗純石門人嘉慶丁丑進士官陝西渭南知縣著補硯齋詩集

府志曾貫由優貢成進士始任整屋縣實行保甲秋兩傷穀捐廉振之調渭南有兄弟爭產訟十餘年未結委曲開導皆感泣復爲兄弟如初

著有仕津要言渭南河渠考  
定香亭筆談曾貫能五言長律時修表忠觀新落成命之賦詩曾貫用八庚全韻爲五排不遺一字於工穩中時露神韻余稱之曰吳八庚嘗贈以句云秦家五字劇縱橫曾出偏師陷長卿奇語蘇州漫相許語兒還有小城長

由靈隱至韜光

忽驚象外開生面奇到難誇意頓降泉出石中爭百笕塔從  
樓底聳孤幢山情客趣互縈結鐘韻濤聲相擊撞始識下方

無此勝江湖海共一僧窗

題沈禮田恆州迎養圖

丈夫志顯揚豈爲升斗祿所幸逮親存手撚咳蘭馥此願果  
誰償黽勉惟君獨椿老萱尙榮北堂滋厚福花縣春風來川  
原淨如沐訟庭坐鳴琴和聲靜鞭扑惟時迎板輿歡聲騰葑  
屋守令民師帥萬眾咸屬目三公不以易願言酬顧復躬修  
百行原比戶自敦睦以此化閭閻名齊古良牧嗟我老成名  
荒阡草已宿他日謀椎牛曩時艱啜菽忽漫披此圖掩面淚  
盈掬

丁

秦

字禮安號卯橋平湖人嘉慶丁丑進士官內閣中書著仙未廬詩集四卷

縣志秦少失怙一貧如洗舅氏徐養三茂才教之學性聰穎目數行下官中書清謹自持不阿權貴喜誘掖後進故從遊者眾駢體雜文皆沈酣經籍而尤長於經學身瘠弱終年邁疾藥鑪不離側然未嘗一日廢學著有

未廬札記一卷趙  
之謙列入叢書

題海門詩卷

家世擅文學坡翁承老泉君才如叔黨詩集又斜川乍淬劍  
尤利未開花正妍識塗慚老馬敢說著先鞭

淮上口占

寂寞高臺俯暮潮朔風催雪影蕭蕭少年意氣消磨盡又過  
淮陰跨下橋

登煙雨樓

南湖湖水抱孤洲宜雨宜煙此一樓隔浦米鹽村估市中流  
竹肉酒人舟水晶宮闕宵如畫楊柳亭臺夏亦秋莫悵登臨  
無伴侶相親曾有舊沙鷗

趙炳言

原名炳槐號竺泉歸安人嘉慶  
丁丑進士官至刑部右侍郎



縣志炳言歷官俱有政績守江甯時適大水炳言周巡  
七屬振飢民四十餘萬後升湖南巡撫署湖廣總督連  
德大水炳言自糶米萬餘石令各屬設廠行煮振  
法全活甚眾未幾召爲刑部右侍郎卒年七十

蘆花和查琚齋侍御元韻

忽見寒雲著意鋪秋容冷淡鴈聲孤思歸江上人何處悟到  
空中色本無兩岸蕭疎塵不染一叢高潔粉難圖此中大有  
英雄在莫把閒情寄五湖

白露橫江月滿船閒鷗閒鷺傍灘眠晚同楓葉留歸舫春笑  
楊花逐去鞭下馬客都驚別路釣魚人半宿前川夜涼莫訪  
秋聲館野次維舟又一年

風前飛絮日紛紛添卻離愁又幾分到處池塘飄柳雪教人  
院落夢梨雲平生祇解遮窮士骨相還堪類此君最是蓼花  
紅掩映不分明處帶餘暉

風景無關客裏非蒼然曙色映苔磯臨風漫作聞雞舞傍水  
還疑逐鷺飛莫訝金飈吹瑟瑟會看紫筍長依依何緣玉樹  
森森倚一樣瓊枝照霓衣

郎葆辰

字蘇門安吉人嘉慶丁丑進士官  
貴州糧儲道著桃花山館詩集

旨下

府志葆辰官諫院時嘗條陳濬太湖七十二澳得  
巡撫議行民受其利又平反德清徐蔡氏冤獄大吏以

下降謫有差直聲大著在貴州課民種桑織布創養育  
院所至以教養爲急有郎佛之稱歸里後日與山人墨  
客爲文酒之會性好風雅工詩善書畫超縱生辣別  
具旨趣畫翫尤長時稱郎翫畫必有詩悉寓深意

黔中雜詠十首

灕陽南望路漫漫相見坡高上下難

相見坡在施秉縣境內  
兩坡相對中阻小溪對

立如咫尺行隔十  
數里因此得名

所到無非成瘠土此閒不合有貪官層崖

走馬愁泥滑荒店留人訴夜寒五色雲中春似海幾番回首

憶長安

九里迴環百雉墉

省垣九里三分

滿城亂石一重重人家就地忽高

下山色撐天各淡濃十丈蠻雲春黯黯一川瘴雨水溶溶公

餘退食渾無事管領煙霞付短筇

四圍邨落翠微閒民計曾無片刻閒放繭客尋新長樹

黔民多種

橡樹皆於山上育蠶

種蕎人上未開山

山中民皆以蕎麥飯度日

沿巖小草華偏豔

遍地危坡石總頑荒寨夜深聞犬吠有人踏月趕場還

苗民村落

謂之寨趕集謂之趕場

野老黃冠笑語親相逢多是太平民政如虎猛終非福官亦

雞廉不礙貧火耨刀耕風自古蠻花瘴草物皆春居人作息

由來慣誰向桃源更問津

信步清遊任所之偶尋古蹟便題詩白雲芳草陽明洞

洞在

縣境流水桃花丞相祠

武侯祠在南明河上額曰丞相祠堂

連口雨風茅補屋幾

家門戶竹編籬歸來天氣初晴候帶溼煙痕正晚炊

奉檄千山萬壑中間來比戶驗民風留賓呷酒筠筒碧

黔民莫客

者以酒瓶置席上中貯細竹筒互相呷飲謂之呷酒喚婦舂糧稗子紅

民苗居山中皆以紅稗子作飯

有終年不食米者成內邊徼還疑造化窮

南明河上住年年風景依稀在目前盈涸皆因無本水炎涼

不是有晴天

雨大便漲不日即涸無論冬夏冷熱無常

層巖上越盤盤嶺碎石中

開薄薄田十二郡城三十縣女牆多傍亂山邊

石田收取幾多糧卽遇豐年也類荒難保孤邨無盜賊須防

破屋有牛羊老農盼得秋瓜熟稚女擎來野菜香最是木棉

聲價貴只尋山繭製衣裳

黔中不產棉花

動念民依敢自安山城水漫救荒難建甌直下三千丈移粟

爭來十八灘人已無家成雁戶屋空有架類牛闌我儕鞞鞞

誰能脫坡老徐州一例看道光辛卯歲五月大雨省城外

雨勤災暹查被淹戶口廣為振濟撫卹同勘災者有李復齋

廉訪呂泗如太守高鏡霞中謀劉壽雲國筠兩司馬金君瑞

生劉君贊饒兩刺史蘇君文紀李君蕃柏君中

延張君瀚中陳君照晉譚君焯諸大令皆與焉

有苗遍繞夜郎城八十餘家舊有名花布裙裁雲五色苗女皆服

五色花布短裙蘆笙人唱月三更苗俗於元宵吹蘆笙度月禮文拜跪

差能會訟獄言辭半不明寄語宰官勤撫字

堯階干羽八風平

馬光瀾字厚莽會稽人嘉慶丁丑進士

桑春榮傳略光瀾博學工詩古文辭精於吏治官刑部

日獄多平反出守山東未踰月擢湖南岳常豐道岳常

居洞庭之衝水患尤烈查勘濬堵湖患頓息存升山東

鹽運使時鏗綱久弛帑藏虧竭白中丞分列條目據實

陳奏離務既清商民賴焉以積勞致仕家居敦樸

如儒素訓子弟循謹誠篤論者謂有新息家風云

李瀛仙中丞發甲南閩紀原

李公天人鸞鳳翔衡湘到處栽甘棠科名蔚起蘭芷鄉千秋  
遺愛留膠庠自昔賓興觀

國光兩湖角藝同一場南士挾策趨武昌秋水時至秋風涼

洞庭八百波濤狂白袍鵠立歎望洋爲弔屈原悲沈湘趙申喬

潘宗洛宗倡議嘉謨彰格於成例咸徬徨我公繼之心惻傷呼籲

累疏排

天閭惟

帝曰咨語煌煌汝甲相度謀用臧明藩故址湘城傍萬閒矮  
屋鳩工忙萬人延頸厥願償長沙八月丹桂芳鹿鳴呦呦吹  
笙簧遠涉不復駕鼉梁鵬程九萬皆康莊回首湖波空渺茫  
爭採梗楠貢巖廊百有十年士氣揚向公再拜焚心香橙黃

橘綠薦霞觴城頭屹立公祠堂我來分守禮之陽側聞盛德  
思不忘伏讀公奏連三章鴻功駿烈垂縹緗衡峩峩湘水  
長中丞遺澤正未央百世永承承餘慶

劉陽周節愍公祠

諱二南  
雲南人

以死勤事祀典修作廟奕奕瀏江頭二百年來勵風俗勝國  
遺忠太守周太守長沙遴闖禍淮川百里當咽喉腥風卷地  
原野震毒霧遮天白日愁手提干將志報國二千勁旅驅貔  
貅斬獲無算鋒少挫模糊戰血飛髑髏蠶屯蟻聚燬復熾李  
活虎賊將方渡下流彼眾我寡臣力竭黃朝王潰走公獨  
留裹創百戰卒抗節生氣炯炯懸雙眸大星夜落陣雲黑誰  
其從之吳參謀愉六月盛夏氣凜冽孤城黯澹成荒邱滇雲  
南望家萬里吁嗟馬革無人收昔有同官蔡司李先死賊獻

功相侔誓爲厲鬼同殺賊碧血共把丹心酬闔藩贈官均太僕偷生鼠輩皆含羞

聖朝統一奠寰宇

恩褒異代光闡幽謚蔡忠烈公節愍睢陽許遠今匹儔星垣二忠祠勿替專祠特建宜在瀏趙君

瑜

下車百廢舉丹青輪

奐工咸鳩豈惟一心敬桑梓要見精忠贊斗牛歲時遺民薦蘭芷迎神楚些歌同仇官河渡口水嗚咽恍驅怒濤駕靈虬吾山峯頭雲雜沓疑驂鸞鶴空中游忠魂毅魄長不死如公廟食宜千秋

題太傅曹儼笙師華州餞別圖用蘇齋韻

星垣每聽履聲遲晝接從容晷影移四海勳名新太傅三朝

銜鑒老經師

師自乾隆壬子至道光癸未三主禮闈三典鄉試三督學政

花洲曾記開尊



地秋渚重賡餞別詩衣鉢箕裘都嗣美藝林佳話豔當時夫

子文敏公暨翁蘇齋太夫均先視學西江

絳節還

朝旭日東鴻泥回首廿年中

天褒謹慎師諸葛人頌精神比路公畫舫秋深波泛綠珠簾  
暮捲燭搖紅

玉瀾

紫閣頻圖像猶識容顏與昔同癸未臣像於萬壽山玉瀾堂戊

子平定回疆復擒軍機大臣像於紫光閣

張詩舫農部祥和屬和典試閩中之作余適奉

命典試西川依韻謹成二首錄一

五夜星軺指劍州花溪涼對草堂秋茶煎鳳尾看魚眼雲起

蠶叢傍馬頭月桂香從天上採海珊瑚枝共網中收偏輸萊綵

還鄉樂不獨奚囊紀勝遊詩船擬歸

陶際堯字義人號桂仙晚號環翁稽人嘉慶丁丑進士官湖南常德同知著安雅堂集

陶濟宣曰先叔祖自幼勤學博聞強識家貧常借書以讀達旦不倦弱冠就婚陝中遂應京兆試己酉始登薦

主丁丑成進士官內閣暇則紬繹經史尤喜讀儒先書

與同邑潘少白宗祿甫兩先生以道義相勸學益進出

官湖南常德同知署永州知府性嚴肅人不敢于私

與上官常落落難合未久卽引退杜門課孫引翼後進

唯恐不及黎旦卽起家門整肅孝友嫻睦有古人風生

平不喜爲詩偶有所作亦隨棄今蒐輯手稿數篇以見

北山二首

山翠撲晴川波陰盪十里沈沈水容碧清風吹不起篙舟傍

山轉畫影巖扃裏晴嵐蕩遙空湔眸倚船几平畦及春耕青

黃鬪新水相觀意不盡溪巒好難擬卻喜重巖擢行行上山

趾

言尋招提行綠崖上層簷披襟散心顏到眼紛紅綠斜照下  
西庵遙彩逼人目山花映疎林書聲逗村塾自慚汨塵滓如  
泉出山濁攝衣松石閒幽賞遂初服眷茲物外遊延目騁遐  
矚煙水暮蒼蒼歸唱青溪曲

春興

槐火光陰荏苒更藥囊吟艤遣餘情水簾夜雨煎茶味山市  
春晴賣筍聲漫爲酸醜殊世好敢將溫飽足平生黃金擲牝  
深憐取夢裏虬蛟掣自驚

王祖焯

字學明號蔣巖浦江人嘉慶丁丑進士咸安宮官學教習著汲古樓詩草

王景賢傳略蔣巖幼穎異年十二以神童受知於郡伯嚴太守榮受業於餘姚邵瑤圃先生瑛著有三傳測義錦囊史錄弱冠時文名藉甚著讀書日記四十八冊詞贅於祥符何氏何閻學俗承出其門下通籍後丁母憂

江西學使顧德慶招往襄校年三十二卒於南昌學署士林備之

閒居吟

赤日行天心白雲消其翳清風起蘋末倏忽駕虹霓吾廬芙蓉下綠竹圍方池讀書洵足樂披簡忘勞疲有時適吾意素琴調新詩白日駒過隙一任浮雲馳

擬溫飛卿曉仙謠卽用原韻

金烏隱隱珊瑚宮欲上未上蒼靄空桃都山頭玉雞唱萬斛撒出珠塵紅百花含嬌嬌欲淚湘煙不斷羅幃翠可憐三百歡喜丸當胸每篆相思字此時秦宮草如煙此時秦女骨如仙雙飛忽乘紫霞去天青海碧何茫然漢家燕燕送歸鳳碧霄奏畢瑤琴弄何似銖衣上太清水雲細話鴛鴦夢

汪

衡字誠夫號書巢錢塘人箸秋蛩吟

抗郡詩續輯書巢嗜學不倦積書千帙乙點丹黃不釋手嘗補註顏氏家訓頗稱詳踴尤善弈著棋經三卷

### 秋夜書懷

沈沈蓮漏滴將殘  
幾几攤書興未闌  
古壁疏鐙人語寂  
小樓

明月雁聲寒  
冥心自覺幽  
棲好強項終憐入世難  
靜夜詩成

誰與和筠箋  
寫就自吟看

### 應天垣

字曉山海窟人著夢羅浮山館詩略刊餘詩草病榻遺稿

曹錦堂曰曉山抱痼疾嘗於臥榻效元人作齋中雜詠詩余為和之又工寫墨蘭為時所稱

### 梅花

籬落一枝春  
儵然遠俗塵  
有根皆倔強  
無雪亦精神  
仙骨問

誰匹冬心抱  
自眞巡檐頻  
索笑相對悟  
前因

### 佛日寺晚眺

僧歸無箇事  
散步一筇便  
晝夜溪聲急  
團環樹影圓  
山高餘

鳥道村遠絕人煙笑指斜陽外奇峰忽墮前

孫貫中

字古杉桐鄉諸生  
著桐蔭草堂集

孫次公曰古杉館聞川計氏最久與計壽喬陳  
二赤葉改吟唱和極盛靈芬館詩話亟稱之

池上

小池晨起望瑟瑟曉風輕昨夜五更雨增前春草生初陽澹  
喬木幽鳥換新聲俯看游魚樂悠然適性情

相公來

相公來沙堤開一呼萬歲聲如雷相公去沙堤莫勞者喘息  
飢者仆夜來相公愛乘舟大船打鼓來江頭小船插幟江上  
浮鐙火照耀江天秋一朝勢落被彈劾不賜白綾猶主德青  
衣阜帽出東門淒涼一身渡江北眼前依舊相公來往日聲  
勢安在哉

野步

偶步芳郊外行行動客情落花荒徑少春草斷橋生遠見輕  
颿影微聞倦鳥聲裴裒忘日莫月色已相迎

蔡壽昌

號補梅德清貢生  
著香蘇閣詩草

冷臚雜識壽昌少有神童之目趙太守學轍府試愛其  
才以女妻之嘗借遊碧浪湖趙口占魚鱗水紋圓到岸  
句命之對即應聲曰龍嘘雲氣直沖  
天後卒於都門年僅三十士論惜之

久不得胡大

作梅

妻孥消息

經時消息斷使我客心驚寡婦應憔悴孤兒未長成米鹽憂  
瑣碎門戶苦支撐際此不能助何爲貴友生

呈太常馬秋藥丈

履泰

平生風骨最嶙峋久侍朝元白髮新我老尙能摧虎角臣愚  
豈謂觸龍鱗六橋好去聽涼雨一笑歸來換軟塵北望京華

雙闕遠此身羸得野鳧親

商嘉言

字拜廷號拜亭會稽諸  
生箸拜亭詩草十六卷

初稽陰舊家多才子者首舉祁商祁族遭難遠衰而商

氏世傳風雅如質園先生尤箸質園提唱壇坫選越風

從而為詩者多邑中才彥鄰至今稱盛事久之乃有

其從孫拜亭君承其家學才氣沈雄西園遺韻獨標後

勁洵質園之良嗣也越中近學詩古者如陳石生杜稼

軒錢劍生輩往往出

君門下多有成就

陶濬宜曰君為明學士商文毅公之裔竇意太史之從

孫席華熙之青而境處奇窮一拓景初亦工詩甚相得無

依其戚陳景初於蜀詩境一拓景初亦工詩甚相得無

何以父諱歸景初亦病卒益窮不得志常養病柯山蘿

庵病革夢至一禪房有五十三參大士旁句蓋來因可  
證也君詩有奇氣七古浩瀚奔放如泉源萬斛不可止  
過尤工七律所作獨富君書感詩云書因易學專功少  
詩為難名近體多亦自道其實也沒後家貧息弱同社  
杜尺莊先生為刻其遺稿其中  
閒有率意之作蓋未及手定也



楚霸王墓作

我亦淋漓泣數行，鬱輪袍上哭烏江。乾坤書劍都無用，今古悲歌各有腔。草草一言秦帝代，聲聲萬歲漢王降。傷心縞素須三老，此恨應將玉斗撞。

擊筑誰來酌墓田，獨排三十二條絃。橋頭孺子無黃石，垓下

將軍有赤泉。妻妾敢爲天子累，英雄只受美人憐。弓刀叱咤

琵琶咽撥一聲時，了一年

項王卒時三十二歲

睢陽一陣黑，罡風博得城邊葬。魯公血淚髑髏揮，四面香魂慷慨殉重瞳。八千餘子呼天散，百二歌兒斫地空。爲我更彈秦漢子，虞姬墓上萬花紅。

戴山聽黃鐵年

名超蕭山訓導

先生彈琴用山谷聽崇德君鼓

琴韻

紅日不到深山中綠陰如水流雙桐

山上有雙桐

桐閒往往以目

聽空際頗覺生清風有音知不易無音知更難先生抱孤桐  
宜坐雙桐閒形分神合定心契胡不一對桐君彈一彈四坐  
如山靜只有桐君若相應我時恍惚遊太初怪底雙桐發孤  
性忽然放眼青冥冥海上遙山都入定

奉憶洪稚存夫子

一封書奏棟朝班萬里提戈出玉關不殺

君恩深似海平生臣節冷如山天開絕境教簪筆地戀經時  
便

賜環

更生齋有萬里荷戈百日賜環諸集

去歲三江春二月和風甘雨化癡頑

金山寺

塔影赴中流樓臺八面浮大江擎一柱古佛占千秋斜日蒜

山樹亂帆瓜步舟有人參玉局不用踏峯頭

京口夜泊

帆海飛來片葉輕京江卻似鏡湖平殘年客夢金山影終古  
寒潮鐵甕聲北固一樓空悵望西遊萬里此長行燈昏雨急  
烏鳥角獨憶焦先臥未成

采石磯弔李太白用先高祖采石磯韻

一笑仙人去千秋此石雄青山詩卷外明月酒杯中恨不生  
今日因之挽古風我來大江上天際想無窮

舟中望廬山

山亦如人隱蒼茫不可尋雲橫山帶關月入水簾深何處白  
蓮社當時紅杏林香鑪峯獨秀忽繫故園心

秋氣

一氣蕭羣動千秋紛浩歌古今各蕭瑟天地自中和落木巖  
華轉嗷蟻風雨多天涯有拳石忽憶舊山阿

登重慶城樓

直將絕壁作飛樓生就嚴城壯益州東去重重夔峽抱西來  
滾滾蜀江流曾聞舞隊排陸準忽見將軍號斷頭如此雄關  
憑不得祇宜長弄鏡湖舟

蓬州懷顏魯公

西宮一間起居回直向青天萬里來擊笏獨持風節勁淋鈴  
還覺雨聲哀劇憐宰相輸鸚鵡卻笑將軍駐馬嵬敢以吁噓  
歌蜀道上皇曾到此徘徊

達磨渡江圖

三十二相開釋迦二十八葉生達磨菩提樹出摩伽陀普通

之元渡海過帝問捨度功德何答云小果無足多游仙震動甯非魔元旨不省違言他長蘆高捲寒江波折而渡之嵩山阿九年面壁一刹那何形入石勞摩拏大通之元涅槃俄不立文字留袈裟叶一花五葉香稜伽蔥嶺卻悔行逶迤人見隻履爭描摩此圖尙寫初觀河佛言主聖猶傳訛寶公翻笑投鷹窠中土安得玻瓈柯西天去也泥無拖蛟龍魚鼈龜鼉鼉曾參五百尊阿羅不如片葉隨盤渦渦如甘露滋情荷葉卽交蘆非性禾誠透此義機投梭了元一首誰煩歌長空萬古汝會麼

戴逵宅

言尋安道宅還上子猷船一水響琴外萬山歸畫邊斯人多放達之子乃超然不見剡溪曲蒼茫欲雪天

元夜蘿庵

入山惟見佛良夜好參禪燈影月中淡鐘聲雲外圓四圍修  
竹地一樹老梅天先世曾題句吾生定有緣

記平蜀匪歌

黑雲壓陣刀閃光鼓聲不死塵飛黃紅衣一轟白蓮赤人頭  
飛墮千仞岡餘賊耳之不敢面官軍亦不教賊見斃從荆豫  
蔓雍涼并入蠶叢蠶食遍千邨掠殺一炬燒咸陽三月無此  
焰忽然相見臨大河鳥銃放作彈子渦銃盡隔河聞大笑招  
搖便面還踏歌脫非清野更堅壁豕突狼奔那得歇老鴉一  
旦晴吐紅匪未平時蜀天皆陰平後始見日色全蜀十年早流碧家人都望征  
人還但見辨筐挑絡繹噫吁嘻岷山從古多山精大蛇拉山  
龜造城井蛙妄尊吳漢入桺虎逸出崇韜平龍江僧訝麟浮

水明未梓潼縣龍王寺僧晨汲見鱗浮出潼水魚鳧幾無噍  
類矣一箭直貫心當中五丁莫拔力難恃杜鵑哀叫血吻枯  
孔雀羣飛翠翎起我來已覺人煙稠萬山頂上空礪樓黃昏  
大竹城邊立滿池積骨聲啾啾子宿大竹城外見一大池殊險  
池旁有短碣刻曰積骨池也

十月十七夜讀劍南詩鈔

一夜黃河萬丈冰朔風勁處鬼雄憑生前豈有秦淮海死後  
從無杜少陵西蜀長歌身外劍北庭大戰夢中鐙祇今四海  
爲家日要喚蓮花博士膺

泊鷗吟社諸君子及李天山先生後人新葺詩巢以放  
翁生日落成詩以誌感

風雨都憑筆底收一枝巢穩足千秋六君麗句饒驚鶴十子

騷壇起泊鷗聯桂香濃懷栲栳

謂社長岑  
鏡西表叔

團蒲悟徹擲歐兜

清芬我愧青蓮裔長嘯龍山頂上頭

第六句謂  
正香上人

### 銅爵瓦硯歌

蛻墮雞化銅人高阿瞞旋捉牀頭刀并幹兀峙貯歌舞嗟哦  
繡虎揮婉毫豈知賣履分香後蕙帳徒看三馬走誰其毀者  
齊文宣別築三臺歌送酒銅爵高飛金鳳翽銅駝幾徙瓦猶  
全白草黃花自掩映綠風紅雨曾雕鑄雷斧鮮疵那可僞絺  
綌瀟紋還未晦大書建安十五年恨不書面偏書背琢泥入  
手拱璧同嗜古誰復論姦雄曾抱遺羞穢青史何如長樂未  
央宮憶昔摩挲諸葛鼓銅精碧血相凝聚脫令籌筆鄴中來  
炎火知難留寸土卽今滴水溯清漳七十二杯紅夕陽瓦解  
那堪教瓦合百千年後又鴛鴦



曾

璜字寶鎮號癯甫泰順廩生箸松亭遺草

秋齋漫興

落葉覆嗚蛩空堂飛蝙蝠手持一卷書坐對青山讀白露何  
淒清幽蘭空馥郁四顧寂無人涼風戛檐竹

過閩坑嶺

匹馬入閩關征途萬仞山日生滄海外人立白雲閒樹杪飛  
猿過天邊落雁還一聲何處磬古寺老僧閒

游南臺山

三山高矗白雲封躡屐相將御晚風控鶴仙歸丹竈冷屠龍  
人去釣臺空古榕暮雨浮殘綠老荔斜陽綴碎紅獨向峯頭  
剝苔蘚斷碑岌久總朦朧

董正掄

字引叔號文竿晚號泯翁泰順廩生著能不言齋詩文集

游寶香寺懷卓忠貞公

寺在瑞安白塔焦  
江邊公讀書處

古寺何年傍蓼汀  
忠貞遺蹟溯潮橫  
經潮圍塔影波搖  
白日逗煙光  
曉破青燕子  
高飛春寂寂  
龍孫新長晝  
冥冥老僧解說  
騎牛事惆悵  
風前奠綠醪

汪鳳階

字傳綸  
瑞安人  
箸雞肋詩草

家傳略公自號篆香居士  
忠厚質樸嘗謂人曰一善字  
子孫受用不盡一勤字畢生喫著有餘  
箸有古訓類鈔

送友

一昨當君賦遠游  
曉風殘月泛輕舟  
清溪不載歌餘恨  
敗柳猶牽別後愁  
潘岳華年須自惜  
杜陵老屋怕經秋  
年來莫問飄零意  
請看東西溝水流

王樹英

字毓才  
雲和恩貢  
箸古槐書屋詩稿六卷

縣志樹英文藻書翰並擅絕  
一時尤長于詩阮元曾梓  
入浙江詩課生平雅自矜重  
不干勢利邑令陳治策嘗

延修  
邑志

鳳凰山

宿靄散遙空杲杲日初曙春山何鮮新清氣澹吾慮捫蘿陟  
層巔盤桓不能去洞口白雲封仙人渺何處

宿溪口嶺禪寺

亂山湧空起勢如波濤連仄徑幾盤曲上出山之巔入林境  
逾幽修竹何森然古刹依山窅羣峰羅其前巖花爛如錦春  
禽鳴杜鵑坐聞石泉瀉平岡見層田夕陽下喬木輕陰生遠  
天長風颯然至澹澹飛蒼煙禪窗耿清光皓月中夜懸一枕  
夢初覺撫事百慮煎熹微曉色分還從山路旋露華徧草木  
十里雲山鮮

梅源山

山路臨溪險行人曉乍經苔紋留虎迹水氣上魚腥沙洗巖  
頭白煙浮樹杪青前村知不遠偶坐憩林亭

普光寺

蔓草侵行徑禪關半掩扉顏垣穿鼠穴古壁上苔衣野曠鐘  
聲遠煙深塔影微漫嫌歸路晚山月欲流暉

黃家畚

在縣西武岱山之巔通  
景甯龍泉慶元三縣

一徑眞幽絕到來塵慮刪獨行人寂寂祇聽水潺潺老屋半  
依竹閒雲時在山低徊尋古迹殘碣點苔斑

赤石道中

籃輿曲折度巖隈一路山花寂寞開小憩空亭風勢急片雲  
忽帶雨飛來

春日過三望潭

松篁一徑繞溪斜  
茅舍參差三兩家  
儘日濛濛春雨足  
滿山開徧杜鵑花

五花嶺

在治北有得月亭

寒風掩映暮雲閒  
飛鳥歸林自在閒  
小坐不知風力健  
無邊落葉滿秋山

兩浙輜軒續錄卷二十八